

登
科
記
考

登科記考卷八

大興徐松

唐元宗至道大聖大明孝皇帝

開元二十一年

癸酉

正月一日

舊書本紀作庚子朔

敕天地以大德生羣有聖人以大寶守萬物

古者受命之君謂之承天之序明有所口夫豈徒然若道無欽崇
命不永保帝實臨汝人曷戴君朕所以口其庶乎合於仁覆之意
也夫宓犧神農黃帝堯舜或誅而不怒或教而不誅彼亦何爲獨
臻於此朕自有天下二紀及茲雖未能畫衣以口亦未曾口人於
口而政猶躋駁俗尙澆醜當是爲理之心未返於本耳凡人豈不

仁於父母兄弟不欲於飲食衣服乎而卒被無孝友之名不溫飽
之困其故何哉蓋未問義方不識善道或任小智而爲詐或見小
利而□□得致遠則窮繼之以暴已而身受戮辱家不相保愚妄
之徒類多自陷獄訟之弊□□□□□悲乎亦在教之不明也
蓋刑罰者不獲已而用之天下黔黎皆朕赤子以誠告示其或知
歸何必用威然後致理先務仁恕甯不懷之且如五常循行豈須
深誠六親和睦何待丁寧自宜勉之以副所望刑厝不用道在於
文獻歲之吉迎氣伊始敬順天常無違月令所由長吏可舉舊章
諸有軀伏孕育之物蠢動生□之類慎無殺伐□□天傷九土異

宜三農在候聚眾興役妨時害功特宜禁止以助春事至若家有
征鎮口口孤惻物向陽和此獨憂悴良可憫也亦令所由隨事優
恤蓋不體仁無以爲長不知道無以用心故道者微妙之門而心
者萬事之統得其要會議可以兼濟於人失其指歸生不能自全
於已故我元元皇帝著道德五千文明乎真宗致於妙用而有位
者未之講習不務清靜欲全口爲之政教何從而至於太和者耶
百辟卿士特須詳讀勉存進道之誠更圖前席之議至如計校小
利綜緝口口口口口口口口无化俾蒼生登於仁壽之下還於淳樸
豈遠乎哉行之可至其老子宜令士庶家藏一本仍勅令習讀使

知旨要每年貢舉人量減尙書論語一兩條策准數加老子策俾
敦崇道本附益化源朕推誠與人有此敦誠必驗行事豈垂空言
今之此敕亦宜家置一本每須三省以識朕懷

邢州龍興觀
道德經臺

三月詔曰博學多才道術醫藥舉人等先令所司表薦兼自聞達
敕限以滿須加考試博學多才舉人限今來四月內集道術醫藥
舉人限閏三月內集其博學科試明三經兩史已上帖試稍通者
多才科試經國商略大策三道并試雜文三道取其詞氣高者
術醫藥舉取藝業優長試練有效者宜令所繇依節限處分
五月勅諸州縣學生二十五已下八品九品子弟若無人並

十一已下通一經已上未及一經而精神聰悟有文詞史學者每
年銓量舉送所司簡試聽入四門學充俊士卽諸州貢人省試下
第情願入學者聽國子監所管學生尙書省補州縣學生州縣長
官補州縣學生取郭下縣人替諸州縣學生習本業之外仍令兼
習吉凶禮公私有禮事令示儀式餘皆不得輒使諸百姓立私學
其欲寄州縣學授業者亦聽

推言

進士二十五人

王芝堂談蒼
作二十四人

徐徵

狀元

王芝堂談蒼
作開元二十年狀元

劉長

卿

唐才子傳劉長卿字文房河間
人開元二十一年徐徵榜及第

房安禹

前定錄房安禹開元
二十一年進士及第

官止南

元德秀

舊書文苑傳元德秀河南人字紫芝開元二十
一年登進士第德秀少孤貧事母以孝聞開元

陽令

中從鄉賦歲遊京師不忍離親每行則自負板輿與母詣長安登第後母亡廬於墓所按德秀卒於天寶十三年五十九則登第時年三十八李華元魯山墓碣銘公諱德秀延州使君之子延州卽世之後昆弟凋落慈親羸老無大無小仰給於公及應府貢如京師不忍離親躬負安輿以往復千里以才行第王端新書王端一進士登科按雲溪友議以元公明經入仕誤紹傳父端第進士有名天寶間權德輿王端神道碑端太原人舉進士宏詞連中甲科又云自開元天寶間仕進者以文講業無他蹊徑公與河南元德秀天水閻仲璵同歲中正鵠閻仲璵見上

多才科

李史魚

冊府元龜

梁肅李史魚墓志銘公諱史魚趙郡平棘人也開元中以多才應詔解褐授秘書

省正字時海內和平士有不由文學而進讀者所恥公以盛名冠甲科羣輩仰之如鵠鵠軒在霄際矣按史魚上元二年卒年五十六時年二十八

知貢舉

是年知貢舉無可考按舊書文苑傳席豫開元中累官至考功員外郎典舉得士爲時所稱疑卽在是時俟考

二十二年

甲戌

四月詔曰風化之本其在庠序去秋不熟生徒暨令就舍講習之

地安可久閑其兩監生在外者卽宜赴學

冊府元龜

進士二十九人

據顏魯公孫述集序九當是七字之訛是年試梓材賦武庫詩見留元剛顏魯公年譜按文苑英

華梓材賦以理材爲器如政之術爲韻

李琚

狀元 閩防 唐才子傳閩防河中人開元二十二年李琚榜及第

張茂之

李華三賢論南陽張茂之季豐守道而能斷據李華蕭穎士文集序當在此年

顏真卿

殷亮顏魯

公行狀公姓顏名真卿字清臣小名羨門子別號應方京兆長安人年弱冠開元二十二年進士及第登甲科舊書真卿傳開元中

舉進士登甲科令狐恒顏真卿墓誌銘弱冠進士出身留元剛顏魯公年譜公年二十六考功員外郎孫述下進士及第 杜

鴻漸 舊書本傳故相暹之族子祖慎行益州長史父鵬舉官至王友鴻漸敏悟好學舉進士

祁昂

見文苑英華

魏縝

見文苑英華

梁洽

見文苑英華

王澄

見文苑英華

博學宏詞科

是年試公孫宏開東閣賦以風勢聲理暢休實久爲韻見文苑英華

王昌齡

舊書文苑傳王

昌齡進士登第

又以博學宏詞登科書錄解題王昌齡開元二十二年選宏詞超絕羣類

李琚

廣卓異記引登科記李琚

開元二十二年進士狀元及第

當年宏詞頭登科按言宏

楊

詞頭則琚爲第一人而文苑英華列于王昌齡之下俟考

諫

見文苑英華

韓液

見文苑英華

知貢舉

孫逖

唐語林考功員外郎集賢修撰逖選貢士二十一年入爲

舊書文苑傳孫逖開元二十一年入爲

初年則杜鴻漸至宰輔顏真卿爲尙書後年拔李華蕭穎士趙睦

登上第逖謂人曰此三人便堪掌綸詔二十四年拜逖中書舍人

顏魯公孫逖集序公典考功時精覈進士雖權要不能逼所獎擢

者二十七人數年間宏詞判等入甲第者一十六人授校書郎者

九人其餘咸著名當世已而多至顯官明年典舉亦如之故

言第者必稱孫公又曰真卿昔觀光乎天府實荷公之獎擢

言第者必稱孫公又曰真卿昔觀光乎天府實荷公之獎擢

卻昂梓材賦曰匠人度有山之梓相文木之理旣因性而是度又從繩而可擬故輪栢適任棟梁資始陰陽之體叶時隱括之形中軌飾其象乃圖之以鳥獸諧其音必均之以宮徵苟可擇於棧樸亦何殫夫杞梓徒觀其破擁腫斲瑰材攢節迸集斜文洞開蜀栢落而雨足交灑郢斤運而風聲颺來伐之丁丁奩鑿狸之斑首斲之橐橐碎空穴之青苔巧無匪制庸無所施因心則達觸物能爲初會方以成矩乍投圓而折規削斲同功準量成類方資剗刷之力乃作馨香之器厥若選德以序辨官以位誠當正直而無頗亦何患乎綱紀之素墜小旣以此大無不如文公立號以化俗康叔

省功以慎儲仁義有常剛柔貴識其虛實寬猛相濟勤苦務知其疾徐教在治人必於出令亦猶代大匠斲罕或不傷其性俾夫來者式遵前聖且修短得喪亦奚其爲政森彼灌木工則度之有倫有要念茲在茲展矣君子如何勿思思不越乃心逸於人也明其采章於木也須其丹漆瞻濟濟之榛楛懿彬彬之文質雖非班扁之奇妙敢獻斲輪之良術

文苑英華

魏縝梓材賦曰昔成王纂位周公輔理命爾康叔尹茲殷士旣因命以申勸欲善終而令始述文武之所修陳藝術之攸起播英聲於典訓揚芬烈於國史則知上之化下如梓之材遵繩墨以運思

受鈴模於簡能其度木也佇林衡之畢選其取制也仰倕和之所
開於是既勒樸斲惟所云爲奚茲服用靡尙精奇信其有益取於
無私工必止其淫巧物欲稱其事宜去雕鏤所以昭代俗之反素
塗丹腹所以知禮義之攸施擬古呈功觀象制器或因事以立法
亦憑質而託類臨時通軌開物以利乃作詒於聖人俾流戒於在
位凡敎在始而法在初莫不念乎梓匠愼爾攸居苟方圓之失理
是風化之蔑如故王者削殷跡述周令汲汲賢良孜孜善政招延
俊造以輔明盛偉夫立德垂訓名言在茲凡百斧藻各共乃司勿
謂幽昧神其聽之自然片善無遺羣材靡失輪栝兼採棟梁並出

實有補於大厦方見用於王室擅高曾之規矩騰雅頌之洋溢聞
無疆之淑懿成不朽之政術

文苑
英華

梁洽梓材賦曰立政施教能簡則理爲器擇才唯良是視政有孚
而可大器自斲而稱美學古入官斯可已矣故周公設誠取鑒梓
材百工飾化以物作萬勢曲成而象開栢之可伐而取諸新甫松
之可斷而美於祖徠何備用之徵要信崇功而大哉觀夫良匠掄
木知無不爲盡力以獻藝因材而合規勦樸斲而去夫濫竽尙儉
素而昭於軌儀智者相物後人述器得成風之妙窮運斤之利或
經緯乎陰陽亦法象乎天地上棟下宇資丹牒之餘飾從有之無

通舟車乎遠致嘉茲義之可分而發昭乎在位是尋是尺其堦其
楮每從繩而則正異投刃而皆虛觀梓匠之斲矣吾是知爲政之
所如材之既度可施於政若意匠以合則必由庚而在詠俟其禕
而念茲在茲政有善人則不欺山有木工則度之材有常質政則
匪一每呈器而受用亦相待而陳術夫如是諧利貞保元吉信前
賢之濟代豈小人之能悉

文苑
英華

王澄梓材賦曰猗嗟掄才者朽必將有以掄者動不妄施材者用
之爲美塗其丹雘之色契乃斲雕之理成乎器用孰不動止則知
能者軌物其利溥哉達於道必獲乎象酌於事實在乎材材罔不

奇戒乎不知應時可重匪飾胡爲須度長而絜大諒方矩而圓規
役是司者勉矣厥宜亦猶德必輔人材不假器人失德而奚取器
非材而奚利材濫則過於杼人德乖則失乎爾位其有取非輪楫
性質散樗以不材而見棄思入用其焉如豈比山有之亦修短惟
準工度也而削理有餘旣罕節而抱直成大厦之厥居者哉夫如
是則工以理材爲難國以教人爲聖聖體材而存道材象道而成
政宏之在人慎乃出令藏器俟時人罔物思達乎至極欽哉有司
惟試可矣以材校之守而勿失其德秩秩以人觀材以材觀實非
獨陳伊周之宏義將以翊我唐之政術儻小材之不遺願雕奐於

茲日

文苑
英華

王昌齡公孫宏開東閣賦曰易窮則變變則乃通一氣相感萬物
初蒙拆於陽甲化於陰風彼君臣有際會屠釣無終窮其未遇也
如獸之檻如禽之籠其合德也起阿衡於莘媵獲太師於渭翁覩
公孫之發跡知漢帝之尊崇陞危則異元亨則同火有炎光木有
根柢寒者斯附暑者蒙蔽苟得其所亦爲大惠動必有獲自然之
勢抑折節以下人亦開國而來詣衣布被以薄己散金帛以賙濟
近乎仁者之心與裘馬而俱弊以光招賢之策不失終身之計故
能多士爰處僉謀是行拓南蠻之徼增朔方之城大啟侯國載揚

天聲與夫蚩蚩以致謂孰若兢兢而立名僧上則差偏下則鄙反
玷誰咎豚肩陋矣或儉奢而得中卽達人之至理嗟服勤以抗節
在庶幾乎君子璞玉在山白虹在上精靈不隱物理相暢君任下
以不疑臣薦賢以答貶失之者喪得之者王況乎左右股肱舉爾
無妄道有興廢人亦焉庾屈之則否伸之則休不正其名亦去其
實賢閣旣闢擁門自佚使賢醜錯雜而不分登驚駘於招士之室
喟然宣父悲之已久儻相府之可依銘盛德於不朽

文苑
英華

李琚公孫宏開東閣賦曰客有海上浴德淄川養蒙業因才進位
以經通當漢皇之有道登股肱於此公順天招物德盛聲崇接士

於衡門之下起閣於相府之東陽榮納日陰戶生風爾其建高規
起崇制簷宇深靜垣牆閉衛取木非南澗之才延賓乃北山之滯
訪善不日馴道以歲其選器也則收用而棄瑕其進德也則取材
而遠勢故能克遏厥聲休績莫京宴私則布衣韋帶自公惟脫粟
菜羹服之而德以廉恥食之而心以和平豈梁肉夏屋而賓實之
名哉則知厚內者德先薄外者事理身正則遠怨心邪則近恥固
惡盈而守沖誠見足而知止太常居甲第之日丞相作封侯之始
是以作漢名相惠音流暢誠前哲之用心豈後賢之缺望及夫人
歿政絕閣廢道休俾馬廐之是宅奚人德之不修言念於此我心

其瘳故知道劣者事微徇名者失實奚量才之遠近甯比跡於勞
逸文苑
英華

楊諫公孫宏開東閣賦曰君立相以道崇和輔仁而協同庶緝多
士允釐百工始於其家且有招賢之義刑於四海大啟尙賢之風
猗乎哉漢武照臨之秋孫宏輔弼之歲能好善以逮下不恃貴而
怙勢子興視夜屈賓閣而猶聞鷺鳴在春知賢路之不蔽道有行
止時有興廢雖盛明則多士乃知人則下第遇風雨而不易將安
樂以無替善乎立身誰爲之繼夫拔茅者利其彙征開閣者求其
友生茅思同茹友貴同榮故秩秩執初筵之禮丁丁諧伐木之聲

在貴則勿遺乎賤於舊而孰能無情況開可以備時之燥溼相可
以爲君之聽視賢是斯來賓是攸止升降出入溫柔之始脫粟布
被雖逢汲黯之嗤下薦上聞竟遇漢皇之美況親仁而又崇此亦
存乎下理動不爲妄德風遐暢善固有由仁聲允休豈比夫漢臣
崇奢後堂空羅夫妓樂齊相爲隘累年不易其狐裘者哉惟其人
心酌乎故實德不遐棄敬之終吉然後知掃門者亦孔之醜望塵
者未離乎咎當効平津而延賓知可大而可久

文苑
英華

韓液公孫宏開東閣賦曰千載之下凜然清風才生於代道積厥
躬洎十五而達爲百夫之雄時然後遇否極斯通賤不憂貧牧豕

之心在貴而好我招賢之道崇招賢伊何東閣不閉常虛懷以應物每趨風以接袂屈己於士德必不孤應以同聲冥而合契爰符禮以爲食不倨賢而恃勢故門多長者之轍奄有輝光座必非常之人亘以年歲豈徒開閣於假日之中抑亦留心於接應之際道不虛行有聞無聲方積善以志其大匪飾非以外其情故人得盛大之譽館得招賢之名欣其託身之先美其投足之始名以才著高因下起槐市居尊和臺是履多士拭目羣英傾耳猶尙德以尊賢將興化以致治豈比夫鄭驛迎而爲賢陳榻解而稱美然以匪階而遷任道而暢自家刑國封侯作相不出十年之中獨立羣賢

之上欽若前哲惟德之休其儀棣棣其政優優知足則止辭榮而
歸順好賢不倦垂範而空留且資以時須賢爲代出得之者則政
舉失之者則政佚安得不開閣以崇敬祛繁華而撫實誰其嗣之
代何不有惟秉鈞與當軸宜欽風而善誘庶斯道之不虧信昭彰
而可久

文苑
英華

二十三年

乙亥

正月乙亥藉田禮畢大赦天下詔曰每渴賢良無忘鑒昧頃雖虛
佇未副旁求其或才有王霸之略學究天人之際知勇堪將帥之
選政能當牧宰之舉者五品已上清官及軍將都督刺史各舉一

人孝弟力田鄉閭推挹者本州刺史長官各以名聞

舊書本紀
冊府元龜

唐大詔

令集

十月詔曰文學政事必在考言孝悌力田必須循行頃從一概何

謂四科其孝悌力田舉人宜各自疏比來事跡爲鄉閭所委者朕

當案覆必有處分

冊府
元龜

進士二十七人

賈至

狀元 李華三賢論長
樂賈至幼鄰名重當時

李頎

唐才子傳
李頎東川

人開元二十三年賈幼鄰榜進士及第調新

鄉縣尉

文苑英華辨證引登科記作李欣

蕭穎士

舊書韋述
傳蕭穎士

者聰偶過人

富詞學有名於時

賈曾席豫張垠韋述皆引爲談客

開元二十三年登進士第

考功員外郎孫逖稱之於朝

穎士文集序蘭陵蕭若穎士七歲能誦數經

背碑覆局十歲以文

章知名

十五舉高天下十九進士擢第又三賢論蕭氏挺父爲官

穎士文集序蘭陵蕭若穎士七歲能誦數經背碑覆局十歲以文

丞得罪清何張惟一時佐廉使按成之茂挺初登科自洛還營縣

逸使車發辭乞哀惟一涕下即日舍之按蕭穎士爲梁武帝十

世孫其世系詳見因話錄據言蕭穎士開元二十三年及第特

才傲物負無與比常自攜一壺逐勝郊野偶憩於逆旅獨酌獨吟

會風雨暴至有紫衣老父領一小僮遮雨於此穎士見其散允頗

肆陵侮遂巡風定雨霽車馬卒至老父上馬呵殿而去穎士倉忙

覘之左右曰吏部王尚書邱穎士常造門未之一面極所驚愕明

日具長牋造門謝尚書命引至廡下坐而責之且曰所恨與子非

親屬當庭訓之耳復曰子負文學之名倨忽如此止於一李華

第乎後穎士終於揚州功曹太平廣記引明皇雜錄同

舊書文苑傳字退叔趙郡人開元二十三年進士諸帝又曰蕭穎

士字茂挺與華同年登進士第按華寄趙七侍御詩注云華與

趙七侍御睦故蕭十功曹趙睦舊書忠義傳趙睦字雲卿鄆州

皆苦貧同年三人登科趙睦僕人其先自天水徙焉貞觀中

主客郎中德言曾孫也父敬睦志學善屬文開元中舉進士連擢

科第新書趙宗儒傳父睦字雲卿少嗜學暇向清鯁開元中擢

進士第李華三賢論天柳芳李華三賢論河東柳芳仲敷該

水趙睦雲卿才美行純柳芳練故事太平廣記引定命錄

云柳芳常應進士舉累歲不及第詣朝士宴坐客八九人皆朱紱
亦有畿赤官芳最居坐末又衣服麤故客咸輕焉有善相者眾情
屬目獨謂芳曰柳子合無兄弟姊妹無莊田資產子然一身羈旅
辛苦甚多後二年當及第後祿位不歇一座之客壽命官祿皆不
如君諸客都不之信後二年果及第歷校書郎畿尉丞遊索於梁
宋間遇太常博士有闕工部侍郎韋述知其才通明諧第又識古
今儀注遂舉之宰輔恩赦除太常李翱李華三賢論趙郡李翱
博士時同座客亡者六七十人矣李翱伯高含大雅之素文苑
英華辨證引登科記作李伉按李張階文苑英華辨證引
粵爲元德秀門人見新書元德秀傳張階登科記作張鑑
張南容楊拯李華楊騎曹集序宏農楊君諱拯字齊物舉進士
外郎構試羣材君以南陽張茂之京兆杜鴻漸鄆鄆顏真卿蘭陵
蕭穎士河東柳芳天水趙嘏頓邱李琚趙郡李翱李順南陽張階
常山閻防范陽張南容高平郝昂等連年高第華亦與
焉按柳芳李翱張階張南容不知的年附此俟考張暈唐
紀事彙開元進士蕭穎士同年生也按蕭穎士有
張暈下第歸江東詩云俱飛仍失路蓋謂制科落第

王霸科

劉瑾

見唐會要

杜綰

見唐會要

智謀將帥科

張重光

見冊府元龜唐會要

崔圓

見冊府元龜唐會要新書本傳字有裕舊書

本傳清河東武城人後魏左僕射亮之後父景暉闕少孤貧志尚

閎博好讀兵書有經濟宇宙之心開元中詔搜訪道逸圖以鈴謀

射策甲科授執戟太平廣記引定命錄崔圓微時欲舉進士於

縣見市令李含章云君合武出身官更不停直至宰相開元二十

三年應將帥舉科又于河南府充鄉貢進士其日正於福唐觀試

遇敕下便於試場中喚將拜執戟參謀河西軍事應制時與越州

刺史尉寶公衛同場並坐親見其事李廣琛見冊府元龜

李華崔公頌德碑敬於王庭甲科入仕

牧宰科張秀明廣卓異記引登科記開元崔國輔新書藝文志國輔應

縣令舉授許昌令縣令舉疑卽此牧宰舉也李軫泗州刺史

李君神道碑云今夫人清河人也弟國輔秀才擢第制舉登科

知貢舉

孫逖

唐語林蕭穎士贈韋司業書曩時與孫考功無里開交遊之知親朋推薦之分勢懸望阻聲塵不

接躡無情之路迴必斷之明懷恩下隔於至公而見
遇盡關於薄技則是僕詞策之知己非心期之知己

二十四年

丙子

三月十二日

舊書本紀作三月乙未

以考功員外郎李昂爲舉人所訟乃下

詔曰每歲舉人求士之本專典其事甯不重歟頃年以來惟考功

郎所職掌位輕事重名實不倫欲盡委長官又銓選猥積但六官

之列體國是同況宗伯掌禮宜主賓薦自今已後每年諸色舉人

及齋郎等簡試並於禮部集既服務煩雜仍委侍郎專知

冊府元

會要

唐大詔令集

按此詔張九齡所草

大唐新語撫言並

云俊秀等科比皆考功主之開元二十四年李昂員外性剛急不
容物以舉人皆飾名求稱搖蕩主司諉毀失實竊病之而將革焉
集貢士與之約曰文之美惡悉知之矣考校取舍存乎至公如自

請託於時求鋒于人者當首落之既而昂外舅常與進士李權相
居相善乃舉權於昂昂怒集貢士召權定數之權謝曰人或狃知
竊聞於左右非敢求也昂因曰觀眾君子之文信美矣然古人有
言瑜不掩瑕忠也其有詞或不與將與眾詳之若何皆曰唯公之
命既出權謂眾曰向之斯言其意屬我也吾誠不第決矣又何藉
焉乃陰求昂瑕以待之異日會論昂舉斥權章句之疵以辱之權
拱手前曰夫禮尚往來來而不往非禮也鄙文不臧既得而聞矣
而執事昔有雅什嘗聞於道路愚將切磋可乎昂怒而應曰有何
不可權曰耳臨清渭洗心向白雲閑豈執事之詞乎昂曰然權曰
昔唐堯衰髦厭倦天下將禪於許由由惡聞故洗耳今天子春秋
鼎盛不揖讓於足下而洗耳何哉是時國家甯謐百僚畏法令兢
兢然莫敢蹉跌昂聞惶駭蹶起不知所酬乃訴於執政謂權風狂
不遜遂下權吏初昂以強復不受屬請及是有請求者莫不允從
由是廷議以省郎位輕不足以臨多士乃使禮部侍郎掌焉憲司
以權言不可窮
竟乃寢罷之

九月二十日禮部以貢舉請別置印

唐會
要

十月禮部侍郎姚奕請進士帖左氏傳周禮儀禮通五與及第

唐會

進士二十人

崔巨

唐詩紀事崔巨開元二十四年進士

張巡

韓文考異引樊注張巡開元二十四

年進

士

明經科

鄭寵

獨孤及蒙陽鄭公墓誌銘公諱寵字若驚蒙陽開封人二十舉明經高第以承泰元年卒年四十九

計之二十
歲在此年

諸科七人

拔萃科

顏真卿

留元剛曾公年譜開元二十四年公年二十八平判入等授朝散郎秘書省著作局校書郎

按文苑英華有顏真卿三命判當卽此年所試

盧先之

見文苑英華

馬抗

見文苑英華

知貢舉 李昂

玉海引登科記作李昂
王邱爲吏部侍郎擢山陰尉孫述桃林尉張鏡微

唐會要開元八年七月

湖城丞張晉明進士王冷然李昂等不數年登禮闈掌綸詔焉

顏真卿三命判曰侑食以樂執恭展禮以辨等威以明貴賤乙以筮仕策名清朝從大夫之後既登三命循先人之祭有事十倫已而鏗鏘具舉和平不爽苾苾承祀胡考之甯舉特且叶於禮經加牢永虧於祀典人告其僭罔知攸伏

文苑英華

盧先之三命判曰易陳殷薦書列禋宗於昭考祀作樂崇德況春冰風泮河濱有獺祭之魚秋葉霜凋山林有豺祭之獸微物尙爾生靈伊何且國有十倫仕登三命尊卑式序威儀孔昭車服以庸

祀享甯僭矧惟舉禮無乃用心凡舉特牲者克從其祀少牢者實符於班失或歸於訟人禮不黷於君子爲之過矣其在茲乎

文苑英華

馬挑三命判曰聖人成能設位待仕君子修業者行入官等威有倫名器不假乙爵登寵命位列周行舉善有存乎禮物敬享無虧於豐殺既感霜露不忘豺獮是以用禴於焉展牲信以大夫之禮能行孝子之志緣祀而加誠不違於舊典或入妄告固未適於時宜雖二簋之可享豈少牢之爲僭此其禮也固無尤矣

文苑英華

二十五年

丁丑

正月

唐會要作二月

詔曰致理興化必在得賢強識博聞可以從政且今

之明經進士則古之孝廉秀才近日以來殊乖本意進士以聲韻
爲學多昧古今明經以帖誦爲功罕窮旨趣安得爲敦本復古經
明行修以此登科非選士取賢之道也其明經自今以後每經宜
帖十取通五已上免舊試一帖仍案問大義十條

唐語林作停
墨策試口義

通六已上免試經策一條

通典作
十條

令答時務策三道取粗有文理

者與及第其進士宜停小經准明經例帖大經十帖取通四已上

唐語林作改帖

大經加論語然後准例試雜文及策考通與及第其明經中有

明五經以上試無不通者進士中兼有精通一史能試策十條得
六已上者委所司奏聽進止其應試進士等唱第訖具所試雜文

及策送中書門下詳覆其所問明經大義日仍須對同舉人考試
庶能否共知取舍無媿有功者達可不勉與

冊府元龜 唐會要 按冊府元龜注云

此詔因侍郎姚奕奏也

二月勅應諸州貢士上州歲貢三人中州二人下州一人必有才行不限其數所宜貢之人解送之日行鄉飲禮牲用少牢以官物

充

撫言 記纂淵海引登科記

進士二十七人

文苑英華有花萼樓賦高蓋賦序云有司盛稱此樓並命賦之王諲賦云於茲百有二十載按唐有

天下至此歲百二十年是花萼樓賦爲此年試題又按文苑英華辨證云今文苑花萼樓賦以花萼樓賦一首並序爲韻皆押入韻登科記作花萼樓賦并序以題爲韻

高蓋

見文苑英華

王諲

見文苑英華

張甫

見文苑英華

陶舉

見文苑英華

敬括

見文苑英華 舊書本傳河東人少以文詞稱鄉舉進士新書敬晦傳括字叔弓

邵軫

按據言李華與趙睦蕭穎士邵軫未冠游太學李趙蕭三人同年與開元二十三年及第邵十六司倉後二年擢第

諸科三人

知貢舉

禮部侍郎姚奕

唐諸林 玉海開元二十五年丁丑始命侍郎姚奕典舉 舊書姚崇傳少子

奕少而修謹開元末爲禮部侍郎

高蓋花萼樓賦

有開元中歲天子築宮於長安東郭有以眷夫代序

邸之義舊者中宮起樓臨瞰於外乃以花萼相輝爲名蓋所以敦

友悌之義也銀榜天題金扉御闕俯盡一國旁分萬里崇崇乎實

帝城之壯觀也是時海內賓薦之士咸遊仙署馳神累日以待問

於有司有司盛稱茲樓並命賦之小子庸蔽敢同頌美詞曰惟唐
六代盛德被於幽遐彌元都暨丹穴掩扶海與流沙莫不推福祚
之攸永極威靈之所加敦本既同夫義軒之日睦親又比乎棠棣
之花裂土苴茅以表慶錫圭分瑞以聯華信可以受無窮之祉而
保乂我皇家者哉迺命有司濬池隍繕城郭將崇大壯之義載考
方中之作繚垣牆周乎舊宮設井榦而爲新閭既準既繩以揆以
度望馳道而通禁林走建章而抵長樂攢畫栱以交映列綺窗以
相薄金鋪搖吹以玲瓏珠綴含煙而錯落飾以粉繪塗之丹雘飛
梁迴繞於虹光藻井倒垂乎蓮萼信神明之保護亦列仙之憑託

於是乘輿乃登夫翠輦而建華旒鉤陳警道兮環衛周命期門使
按蹕將有事乎娛遊六龍囑首以啟路入駿騰光而夾輶且肅肅
以穆穆幸夫花萼之樓然後層軒四敞聖情周顧遙鏡函谷之雲
近識昆池之樹綠野初霽分渭北之川原青門洞開覽山東之貢
賦亦以崇友悌之德勸農桑之務豈止唯臨鄆社之郊空指邯鄲
之路而已哉且壯麗難匹光華匪一憑禁掖以孤明隱垂楊而半
出赫眈眈以宏敞肅隱隱而甯謐非匠氏之奇工梓人之妙術孰
能至於是哉歲如何其歲之首花萼樓兮對仙酒願比華封兮祝
我聖君千萬壽歲如何其歲始正花萼樓兮開御營願同吉甫兮

頌我聖君億載聲蓋聖人去有欲反無名深宮皓素高居穆清觀羣材之樂業朝諸侯而嚮明卽知華夷欣慶冠帶混并均五氣之善叶三光之精嗟乎時難再得歲不我與跡已混於沈滯心未齊於出處此小子之所以瞻梁棟以自非仰雲霄而失序

文苑
英華

王諱花萼樓賦曰我唐有國灕炎海而苑絕漢封日域而提流沙生堯舜而開統誕文景而承家于茲百有二十載開元皇帝馭極居藩符五馬之兆在天□□豈一龍能加愛弟則淮南之仙術名王則臨淄之才華朝有土階之約宮靡瑤臺之奢飾舊館而納景建飛觀而臨霞長公子之自薄塞主人之相誇非徒擬花萼之麗

蓋取諸棗棣之華請循其始仍舊而作珍林自生靈池不鑿下池
塘之煙霧植掖垣之花萼鳧鷖翕習而來止樓臺蹇產而相錯雨
日而雲起澄潭霽夕而月懸高閣歸梁國於上苑通代邸於平樂
洞複道而爲臨幸轟曾城而作垠塼於是于城之陬建此飛樓橫
邁迤而十丈上峻峭而三休仰接天漢俯瞰皇州百鄺之所迴台
九達之所夷猶總萬象之多少極二曜之環周爲棟宇之殊觀實
崇高之寡仇蓋術者之不陋亦帝王之所遊規模制度去奢維素
方面曲折匠石所務浮欄鬱律而卻偃飛甍參差而前注連磴道
而內屬曳軒窗之橫鶩龍獸撫柱而相驚虹蜺互溥而齊布塗椒

蘭以爲馥衡明月而爲炷榜題仲將之手頌登文考之賦六合清
朗天地靜謐明主垂裳賢臣屈膝龍輿親覽珠旗曉出言羽衛以
清帳勅太史之擇日點翠幕而夾道列雲影而竟術萬國爭馳而
駢會于官畢扈而成秩宮闕超遙其若浮邵國森羅以如一廣宴
殯太官之膳鴻需寬司寇之律獻春之望嚴更羅守月上南山燈
連北斗魚啟鑰於樓上龍銜燭於帳口帝城縱觀而駕肩王官望
瞻而仰首鼓吹更落琴笙夜久清歌齊升而切漢妙舞連軒而垂
手張廣樂以建和示至樂於羣有天子偃伯天下高臨穆清理國
道與代作程不純儉以愆德不徇奢而害盈建宮而豐其屋則

遊求舊作室而節其用則示閑情其孝友也署爲花萼之號其勤
人也則榜以務本之名何聖人之敗意物與道而相并秦作阿房
而窮侈靡漢宮未央以自尊榮由是展禮樂開塾序太學時薦列
國奉舉擇仙郎爲清選之官闢星臺爲明試之所願無智士之知
難而勞能者之虛佇

文苑
英華

張甫花萼樓賦曰粵若帝業盛惟皇家宅秦都雍枕梁通巴開列
館以對赫飾離宮而再華敘溫恭之深愛沐棠棣之榮花當其代
邸初構華池方鑿鴻雁新來潛龍未躍盤石利建維城固作授車
東華之門飛蓋西園之樂升降五位周環四託維梓維匠爰謀爰

度建采樓規層閣樂檻口翼以攢闌枝撐杈牙而相搏淩兢雲垂
葉爰星錯風恬氣隱雨霽煙廓中坐平望數香街之往來馮檻下
觀盡天京之郊郭厲丹鳳陵白鶴浮網玲瓏流光灼爍陰移翠仗
影碧潭之清冷日上金題照錦林之花萼帝曰惟休順豫而遊躋
攀初極眺覽還周登萬樂或歌或舞列千品乃公乃侯莫不傾赤
縣竭神州士女都集衣冠盡留悉觀聖旨共仰皇猷掩宮扉則聞
簫聲之下漢卷珠箔則覩天人之在樓至若乃趣是求室喻政有
光於聽覽事無妨於農賦逸以迴出花容玉質綺樓紛映類仙臺
之下空天光照臨若秦樓之上日列眾窗以啟扉疏重門而夾室

紅塵晝斂則數之疑千絲雲暮屯則望之如一理孝光大敦敬則友撫安戎狄調六合以爲家敦睦友于冠百王而爲首化猷方行土無不并演禹湯之仁惠灑唐虞之頌聲士庶從而言曰觀其壯則知至尊之攸處察其功則知萬人之是與欽其號則知昆弟之相穆見其儀則知君臣之有序此聖情方在於元邈豈小人之賦

能舉

文苑英華

陶舉花萼樓賦曰粵若稽古大哉皇家叶聰明於六聖敦孝友於四遐睦親親以相及樂華韡以同華漢后龍宮建邸園之水樹梁王雁沼通禁掖之煙花仍峻隅以立制葺重樓之可嘉嘉其謂何

感物而作取諸棠棣目以花萼旣揆日而爰謀亦占星而是度奢
必去秦儉而匪薄素壁照曜以霜皜丹柱翕葩而霞錯疊藥櫺之
天矯繞軒檻之周流雖麗萼之不足實規模而寡仇秦皇祈年之
觀漢武井幹之樓在縱驕而彼得豈興奇而我儔若乃百寮望幸
一流煦君御下而觀風臣登高而獻賦信布澤而昭德豈徒樂
而是務術徑且千廊開如一察近遠而皆盡指纖微而匪失前卷
珠簾後卻疏牖分渭北之川光別終南之峯首千門迴響百陌微
明翠幄凝煙暖青軒以靄映紅荷浸水嬌綠浦以縈盈咨謀景暇
遊務晨并爰居爰處載笑載語萬人是察九族惟敘猶側聽於輿

言或敢揚於君舉

文苑
英華

敬括花萼樓賦曰大哉神武四三皇而作主赫矣勛華一六合而
爲家莫不北荒於窮髮西極於流沙故得殊方效祥則黃銀紫玉
禁苑呈瑞則芝草仙花彼成康與文景又安足以道耶美夫一人
有作庶品咸若以爲不壯不麗無以彰至尊是用上棟下宇將以
信景鑠於是建百堵之崇墉起九重之層閣上鬱律兮中窈窕靈
煌煌兮神漠漠形直舉而孤標勢將飛而不卻俯蘭蕙之長坂對
旗亭之延郭鑾輿屢降豈寫望於桂殿金榜遡開遂興名於花萼
懿哉鴻紛以口寵夫何佳氣之蕭索泊夫冰開御溝春滿皇洲青

氣始霽旭日初浮皇帝乃被法服登茲樓羅綵仗駐鳴騶開繡戶
之銀鑲卷珠簾之玉鉤冠蓋穆然而仰敬辟容端拱而倚旒將欲
居北辰而觀萬國嚮南面而朝諸侯豈徒爰居爰處以遨以遊而
已哉邈邈陵雲崇崇作固虹梁螭蟠而霞旆皓壁晶晃而月素互
以遐路近對東郭之門周以繚垣遙接上林之樹流雲衡牖而中
斷飛鳥拂簷而斜度賁育之捷猶瞞眊而不能躋揚馬之才斯侍
從而爲之賦若乃雷雨作解乾坤得一澤布三春歡逢五日陳簪
笏之濟濟耀威儀之秩秩皇帝乃臻夫此樓也若其旁倚鳳城卻
瞻龍首帟幕夥以分布車徒紛以相縣奉常陳百戲之樂太官進

千鍾之酒巍巍天子南面山壽德洽蒼生樂乎大有別有失路營
營棲遲此情時哉未過命也難并參歲賦兮徒延佇懷明君兮變
芳序思入仕以盡忠悵良時而誰與儻仙郎之高鑒冀夫鵬鷃而
爲侶

文苑
英華

二十六年

戊寅

正月丁丑

據會要是
正月八日

親迎春於東郊畢制曰古者鄉有序黨有塾

將以宏長儒教誘進學徒化人成俗率由於是斯道久廢朕用憫
焉宜令天下州縣每一鄉之內里別各置學仍擇師資令其教授
其諸州鄉貢明經進士每年引見訖並令就國子監謁見先師所

司設食學官等爲之開講質問疑義

按舊紀作明經加口試蓋卽謂質問疑義也

且公

侯之允皆稟義方學禮聞詩不應失墜容其微幸是長慢遊如聞
近來宏文崇文學生緣是貴胄子孫多有不專經業便與及第深
謂不然自今以後宜一依令式考試朕之爵位唯待賢能雖選士
命官則有常調而安卑遁迹尙慮遺才其內外八品以下官及草
澤間有學業精博蔚爲儒首文詞雅麗通於政術爲眾所推者各
委本州本司長官精加訪擇具以聞奏

冊府元龜
唐大詔令集

壬辰勅曰孝悌力田風化之本苟有其實未必求名比來將此同
舉人考試詞策便與及第以爲常科是開僥倖之門殊乖敦勸之

意自今已後不得更然其有孝悌聞於郡邑力田推於鄰里兩事兼著狀迹殊尤者委所繇長官時以名薦朕當別有處分更不須隨考試例申送

冊府元龜 唐會要 唐大詔令集

八月甲申親試文詞雅麗舉人命有司置食勅曰古者求士必擇其才考之以文施於有政自非體要何用甄明頃年以來亦嘗親試對策者眾而登科者少蓋繇宿構之詞不與所問相對所以然也卿等博達古今聿膺推薦朕之所問皆有節目宜指事而對勿措游詞並宜坐食食訖就試有郭納姚子彥等二十四人升第皆

量資授官

冊府元龜

進士二十三人

詞學指南開元二十六年西京進士試擬孔融薦

珠爲是

崔曙

書錄解題崔曙開元

年試題

二十六年進士狀頭

明經科

鄭相如

前定錄云開元二十五年鄭虔爲廣文博士有

相如明經及第按太平廣記又引鄭相如滄州人進士及第進士蓋明經之訛

諸科二十一人

文詞雅麗科

郭納

見冊府元龜

姚子彥

見冊府元龜

獨孤及故

子彥字伯英其先馮翊運勺人徙家河東公力行博學溫故

知新錯綜六藝以作詞賦初舉進士又舉詞藻皆升甲科

秘書監姚公墓誌姚公諱

馮

萬石

廣卓異記引登科記開元二十六年

萬石登文詞壯麗科按壯當雅之訛

知貢舉

禮部侍郎姚奕

按奕再知舉見唐語林惟語林誤數自二十四年始今正

崔曙明堂火珠詩曰正位開重屋中天出火珠夜來雙月合曙後

一星孤天淨光難滅雲生望欲無還將聖明代國寶在京都

唐詩紀事

曙以是詩得名明年卒惟一女名星星始悟其識也曙開元二十六年登進士第

二十七年己卯

正月制令諸州刺史舉德行尤異不求聞達者特乘傳赴京

冊府元龜

二月己巳加尊號大赦天下制曰草澤間有殊才異行文堪經國

爲眾所推如不求聞達者所繇長官以禮徵送

舊書本紀冊府元龜唐大詔令

集按此詔

孫逖所草

八月甲申制曰宏我王化在乎儒術能發揮此道啟迪含靈則生

人以來未有如夫子者也所謂自天攸縱將聖多能德配乾坤身
揭日月故能立天下之大本成天下之大經美政教移風俗君君
臣臣父父子子人到於今受其賜不其猗歟鳴戲楚田莫封魯公
不用俾夫大聖纔列陪臣棲皇旅人固可知矣年祀浸遠光靈益
彰雖代有褒稱而未爲崇峻不副於實人其謂何朕以薄德祇膺
寶命思闡文明廣被華夏時則異於今古情每重於師資旣行其
教合旌厥德爰申盛禮載表徽猷夫子旣曰先聖可追謚爲文宣
王宜令三公持節冊命其文宣王陵并舊宅廟量加人灑掃用展
誠敬其後嗣褒聖侯宜改爲文宣公至如辨方正位著自禮經苟

不合度何以示則昔緣周公南面夫子西坐今位既有殊坐豈仍舊宜補其隆典作茲成式自今以後兩京國子監及天下諸州夫子南面坐十哲等東西列侍且門人三千則見今稱十哲包夫眾美賢越等夷暢元聖之風軌發人倫之耳目並宜褒贈以寵賢明顏子淵既云亞聖須優其秩可贈充公閔子騫贈費侯冉伯牛贈鄆侯仲弓贈薛侯冉子有贈徐侯仲子路贈衛侯宰子我贈齊侯端木子貢贈黎侯言子游贈吳侯卜子夏贈魏侯又夫子格言參也稱魯雖居七十之數不載四科之目允稽先旨俾循舊位庶乎禮得其序人焉式瞻宗洙泗之丕烈重膠庠之雅範布告中外咸

使知聞

冊府元龜

己丑追贈曾參等六十七人皆爲伯制曰道可褒崇豈限今古則追贈之典旌德存焉夫子弟子十哲之外曾參等六十七人同升孔門博習儒術子之四教爾實行之親奉微言式揚大義是稱達者不其盛歟欽若古風載崇元聖至於十哲亦被寵章而子輿之倫未有稱謂宜亞四科之士以疏五等之封俾與先師咸膺盛禮

冊府

元龜

進士二十四人

諸科五人

知貢舉

禮部侍郎崔翹

見唐語林

二十八年

庚辰

五月帝謂宰臣曰朕在藩邸有宅在積善里東南隅宜於此地置

元元皇帝廟及崇元學

冊府元龜按唐會要於元元皇帝廟置崇元學

進士十五人

明經科

蕭直

獨孤及故給事中蕭公墓誌銘公諱直字正仲十歲能屬文工書十三游上庠十七舉明經上第名

冠太學誌言卒在丁酉年四十六按誌文有廣德元年一歲三遷永泰元年拜太子左庶子大歷二年授給事中之語大歷後丁酉爲元和十二年其距廣德已五十五年蓋丁酉爲己酉之誤己酉爲大歷四年三年爲給事中次年卒故稱曰故給事中也以己酉計之十七歲當在是年

諸科五人

知貢舉

禮部侍郎崔翹

見唐語林

二十九年

辛巳

正月丁酉

按會要爲正月十五日

詔曰三皇之時兆庶淳樸蓋繇其上以道

化人自茲厥後爲政各異我烈祖元元皇帝稟大賢之德蘊至道之精乃著五千文用矯時弊可以理國家超夫象繫之表出彼明言之外朕有處分令家習此書庶乎人用向方政成不宰慮茲下士未達微言是以重有發明俾之開悟期弱喪而知復宏善貸於無窮兩京及諸州各置元元皇帝廟一所每年依道法齋醮兼置

崇元學於當州縣學士數內均融量置

按冊府元龜云京師各百人諸州無常員習老莊文

列謂之四子蔭第與國子監同

令習道德經及莊子文子列子待習業成後每年

隨貢舉人例送至省准明經考試通者准及第人處分

按冊府元龜云京師

置崇元館諸州置道學生徒有差謂之道舉舉送課試與明經同

置助教一人

按會要作置博士一員

委所

繇州長官於諸色人內精加訪擇補授仍稍加優獎

舊書本紀冊府元龜

唐會要

又詔曰朕所求才待之若渴旣旌於巖穴亦資於邱園片善必收

冀無遺逸然士人藏器眾何以知豈若父子之間自相推薦昔祁

奚之舉祁午謝安之任謝元良史書之咸以爲美賢彥之士何代

無人甯恨嫌疑致有拘忌其內外官有親伯叔及兄弟并子姪中
灼然有才術異能風標節行通開政理據資歷堪充刺史縣令者
各任以名薦其卑官所舉人聽於所繇長官處通狀一時錄奏其
考試通人任用之後如後有虧犯典憲名實不相副者所舉之人
與其同罰如政績著聞終始廉謹爲眾所知者其所舉人與其同

賞

冊府
元龜

五月庚戌帝夢元元皇帝告以休期命有司圖畫眞容分布天下
乃下詔曰大道混成乃先於天地聖人立教用敷於宗極故能發
揮妙本宏濟生靈使秉志者悟往迷方者知復以此救物故無棄

人其孰當之粵若我烈祖元元皇帝矣朕纂承寶業重闢元猷自
臨御以來罔不夙夜滌慮凝想齊心服禮謁於尊容未明而畢事
將三十載矣蓋爲天下蒼生以祈多福不謂微誠上達宗祖垂鑒
頃因假寐或夢真容既覺之後昭焉以瞻殊相自然與夢相協誠
爲密降仙府承鎮人寰告我以無疆之休德音在聽表我以非常
之慶靈貺有期乃昊穹幽贊宗社儲休豈朕虛薄能致茲事若便
寢之乃乖祇敬宜令所司卽寫真容分送諸道採訪使令當州道
轉送開元觀安置所在道士等皆具威儀法事迎候象到七日夜
設齋行禮仍各賜錫用充齋慶之費自今已後常令講習道德經

以暢微旨所置道學須倍加敦勸使有成益是知真理深遠宏之在人不可有激揚何以勵俗諸色人等有明道德經及莊列文子等

委所繇長官訪擇具以名聞朕當親試別加甄獎

冊府元龜

九月壬申御興慶門親試明道德經及莊文列子舉人問策曰朕聽政之暇嘗讀道德經文列莊子其書文約而義精詞高而旨遠可以理國可以保身朕敦崇其教以左右人也子大夫能從事於此甚用嘉之夫古今異宜文質相變若在宥而不理外物而不爲行遠古之化非御今之道適時之術陳其所宜又禮樂刑政所以經邦國聖智仁義所以序人倫使之廢絕未知其旨道德經曰絕

學無憂則非進德修業之教列子力命曰汝奚功於物又違懲惡
勸善之文二旨孰非何優何劣文子曰金積折廉璧製無胤宜申
其義莊子曰恬與和交相養明微其言使一理混同二教兼舉成
不易之則副虛佇之懷

舊書本紀 冊府元
龜 唐大詔令集

是月起居舍人王邱撰成大唐開元禮一百五十卷集賢學士蕭
嵩上之頒所司行用焉

唐會
要

十一月九日侍郎韋陟奏掌舉官親族皆本司郎官考試事在嫌
疑請移送考功試侍郎覆定從之

玉海 按別頭試
已見上元二年

進士十三人

武股

前定錄武股者鄴郡人於肅宗改名紹之明
年擢第按肅宗爲太子於開元二十八年更

名紹則武殷擢

周萬

開元末登第見唐詩紀事

李揆

舊書本傳字端卿隴西成紀人秦府學士

給事中元道孫秘書監贈吏部尚書成裕

柳芳

新書柳登傳父芳字仲敷開元

末擢進士

士第

明經科

朱巨川

李紆朱巨川神道碑巨川字德源嘉興人年二十明經擢第以建中四年卒年五十九推之擢

第在是年

諸科四人

上書拜官二人

是光父

新書藝文志開元末是光父自秘書省正字上十九部書語類十卷授集賢院

修撰後

苑咸

新書藝文志咸京兆人開元末上書拜司經校書

賜姓齊

明四子科舊書本紀作明四子人唐大詔令集作四子舉人李白有送于十八應四子舉落第還嵩山詩

姚

子彥

見冊府元龜

獨孤及姚子彥墓誌開元二十九年詔立黃

及廣平宋少貞等十人以條奏精辨元載見冊府元龜舊書

才冠列等

舊書本紀作姚子產誤

元載

本傳載鳳翔岐山人

家本寒微父景昇任員外官不理產業載母攜載適景昇冒姓元

氏載自幼嗜學好屬文性敏惠博覽子史尤學道書家貧徒步隨

鄉賦累上不升第天寶初元宗崇奉道教下

新能

見冊府

宋

詔求明莊老文列四子之學者載策入高科

少貞

見上

馮子華王起馮宿神道碑先府君諱子華天寶中

明皇以四子列學官時與計偕一鳴上策

知貢舉

禮部侍郎崔翹

見唐語林

按舊書本紀是年十月遣

知舉後

大理卿崔翹等往諸道黜陟官吏蓋以

改官也

登科記考卷九

大興徐松

唐元宗至道大聖大明孝皇帝

天寶元年

壬午

正月丁未朔改元大赦天下詔曰國之急務莫若求才頃者雖屢搜揚士庶尙慮遺逸更宜精訪以副虛懷其前資官及白身人中
有儒學博通及文詞秀逸

舊書本紀
逸作英

或有軍謀越畎或武藝絕倫

者委所在長官具以名薦

冊府元龜
唐大詔令集

四月戊寅

按會要爲
四月三日

詔曰化之原者曰道道之用者爲德其義至

大非聖人孰能章之昔有周季年代與道喪我烈祖元元皇帝乃

發明妙本汲引生靈遂著元經五千言用救時弊義高象繁理貫
希夷非百代之能傳豈六經之所擬承前習業人等以其卷數非
多列在小經之目微言奧旨稱謂殊乖自今已後天下應舉除崇
元學生外自餘所試道德經宜並停仍令所司更詳擇一小經代
之其道經爲上經德經爲下經庶乎道尊德貴是崇是奉凡在遐

邇知朕意焉

冊府元龜

其年加爾雅以代道德經

唐會要

五月中書門下奏兩京及諸郡崇元學生等伏准開元二十九年
正月制前件人合習道德南華通元沖虛等四經又准天寶元年

二月制改庚桑子爲洞靈真經准諸條補崇元學亦令誦讀伏准
後制合通五經其洞靈真經人間少本臣近令諸觀尋訪道士全
無習者本旣未廣業實難成并通元沖虛二經亦恐文字不定元
教方闡學者宜精其洞靈等三經望付所司各寫十本校定訖付
諸道採訪使頒行其貢舉司及兩京崇元學生亦望各付一本今
冬崇元學人望且准開元二十九年正月制考試其洞靈真經請
待業成後准式從之

冊府元龜

唐會要

六月制曰大道先於兩儀天地生於萬物是以聖哲之後咸竭其
誠今後應緣國家致命表疏簿書及所試制策文章一事已上語

指道教之詞及天地乾坤之字者並一切半闕宜宣示中外

冊府元龜

九月庚申御花萼樓試文武舉人命有司供食

冊府元龜

十月應文詞秀逸舉人崔明允等二十人儒學博通劉恣等八人

軍謀越眾令狐朝等七人並科目各依資授官

冊府元龜 岑參宿關西客舍寄東

山嚴許二山人詩云時天寶初七月初三日在內學見有高道舉徵是此年有道舉

是年禮部侍郎韋陟奏請有堪秀才舉者令官長特薦其常年舉

送者並停

通典開元二十四年以後復有秀才舉其時進士漸難而秀才本科無帖及雜文之限反易於進士主司以其

科廢久不欲收獎應者多落之三十年來無及第者至天寶初禮部侍郎韋陟始有此奏

進士二十三人

王閔

天寶元年進士狀元及第見廣卓異記引登科記

呂諲

舊書呂諲傳呂

譚蒲州河東人里人程楚賓家富於財謹娶其女楚賓及其子震皆重其才厚與資給遂遊京師天寶初進士及第柳載

柳宗元柳渾行狀載字元與開元中舉汝州進士計偕自數公爲

之冠禮部侍郎韋陟異而目之一舉上第韓注曰天寶元年禮部

侍郎韋陟知貢舉柳渾傳天寶初舉進士後趙涓人幼有文學天

寶初舉舊書柳渾傳天寶初舉進士趙涓人幼有文學天

寶初舉于益新書于休烈傳子益天寶初及進士第

明經科郭揆年十七崇文生明經及第侍郎韋陟揚言於朝稱

其稽古之力許其青冥之價以天寶八載卒年二十四推之及第在是年

諸科四人

文詞秀逸科二十人崔明允見冊府元龜顏真卿見冊府元龜

狀天寶元年秋扶風郡太守崔瑒舉博學文詞秀逸元宗御勤政

樓策試上第以其年授京兆醴泉縣尉令狐岍顏真卿墓誌銘天

寶元年秋扶風郡太守崔瑒舉博學文詞秀逸元宗御勤政

樓策試上第以其年授京兆醴泉縣尉令狐岍顏真卿墓誌銘天

寶元年秋扶風郡太守崔瑒舉博學文詞秀逸元宗御勤政

樓策試上第以其年授京兆醴泉縣尉令狐岍顏真卿墓誌銘天

寶元年秋扶風郡太守崔瑒舉博學文詞秀逸元宗御勤政

樓策試上第以其年授京兆醴泉縣尉令狐岍顏真卿墓誌銘天

寶初制策甲科作尉醴泉按留元剛
顏魯公年譜是年魯公年三十四

儒學博通科八人

劉志

冊府元龜

軍謀越眾科七人

令狐朝

冊府元龜

賢良方正科

蕭正

獨孤及故殿中侍御史蕭府君文章集錄序
侍御諱立南蘭陵人也天寶元年詔徵賢良

方正以備多士公時年十七射策甲
科按此則是年有賢良方正科矣

知貢舉

禮部侍郎韋陟

舊書韋陟傳爲禮部侍郎好接後輩尤
鑒於文雖詞人後生靡不諳練輿者主

司取與皆以一場之善登其科目不盡其才陟先責舊文仍令舉
人自通所工詩筆先試一日知其所長然後依常式考覈片善無
遺美聲盈路按孫逖授韋陟吏部侍郎達奚珣中散大夫禮部侍
郎制云家卿宗伯均國和人乃立其貳非才莫可正議大夫行尚
書禮部侍郎權知吏部侍郎上柱國彭城縣開國男韋陟明斷一
堅純綱百鍊中書舍人權知禮部侍郎上騎都尉達奚珣忠公淑

慎曰圭三復各排邦直皆擅詞雄峻節彌高清標不雜頃膺時事之委深得選賢之稱如有所試已副於僉諧必也正名宜光於並拜陟可吏部侍郎珣可中散大夫守禮部侍郎勳封各如故是韋陟與達奚珣先後爲禮部侍郎達奚珣二年知舉知是年爲韋陟矣

二年

癸未

正月丙辰兩京崇元學改爲崇元館

舊書本紀

三月詔禮記月令篇宜冠眾篇之首餘舊次之

唐會要

十六日制崇元生試及帖策各減一條三年業成始依常式

冊府元龜

唐會要

五月以重注孝經頒天下詔曰化人成俗率由於德本移忠教敬

實在於孝經朕思暢微言以理天下先爲注釋尋亦頒行猶恐至
蹟難明羣疑未盡近更探討因而筆削兼爲敘述以究源流將發
明於大順庶開悟於來學宜付所司頒示中外

冊府元龜

是時海內晏平選人萬計委有司考覈書判詔重其事兼命他司
考之務求其實吏部侍郎宋遙與苗晉卿苟媚朝廷又無廉潔之
操取舍淪濫甚爲當時所醜有張奭者御史中丞倚之子不辯菽
麥假手爲判時升甲科會下第者嘗爲勸令以其事白於范陽節
度使安祿山祿山恩寵崇盛謁請無時因具奏之帝乃大集登科
人御花萼樓親試升第者十無一二焉硬手持試紙竟日不下一

字詩謂之曳白帝大怒貶遙爲武當郡太守晉卿爲安康郡太守

又貶倚爲淮陽郡太守詔曰庭闈之間不能訓子選調之際乃以

託人時士子皆以爲戲笑或託於詩賦諷刺考判官禮部郎中裴

朏起居舍人張烜監察御史宋昱左拾遺孟朝皆貶官嶺外冊府元龜

進士二十六人

劉單

狀元元和姓纂有禮部侍郎劉單岐山人當卽此人舊書楊炎傳元載自作相

嘗選擢朝士有文學才望者一人厚遇之將以代己初引邱爲

禮部郎中劉單單卒引吏部侍郎薛邕恐姓纂作侍郎誤邱爲

唐才子傳邱爲嘉興人初累舉不第歸山讀孟彥深唐詩紀事

書數年天寶初劉單榜進士王維甚稱許之孟彥深唐詩紀事

源登天寶二年第甘澤張謂唐詩紀事謂登天喬琳舊書本

諸有前進士孟彥深張謂寶二年進士第喬琳傳琳太

原人天寶初舉進士按前定錄喬琳以衛庭訓太平廣記引集

天寶元年冬自太原赴舉擢進士登第衛庭訓異記衛庭訓河

南人累舉不第天寶初遇華原梓潼神曰來歲合成名至京明年果成名釋褐授涇陽縣主簿

明經科

楊暄

太平廣記引明皇雜錄楊國忠之子暄舉明經禮部侍郎達奚珣考之不及格將黜落懼國忠而未

敢定時駕在華清宮珣子撫爲會昌尉珣遽召使以書報撫令候國忠具言其狀撫既至國忠私第五鼓初起列火滿門將欲趨朝國忠方乘馬撫因趨入謁於燭下國忠謂其子必在選中意色甚歡撫乃白曰奉大人命相君之子試不中然不敢黜退國忠卻立大呼曰我兒何慮不富貴豈藉一名爲鼠輩所賣耶不顧乘馬而去撫惶駭遽奔告於珣曰國忠恃勢倨貴使人之慘舒出於咄嗟奈何以校其曲直因致陷於上第按雜錄言暄爲戶部侍郎珣纔自禮部侍郎轉吏部侍郎故附於第一榜

博學宏詞科

李華

獨孤及趙郡李公中集序公名華開元二十三年舉進士天寶二年舉博學宏詞皆爲科

首

知貢舉

禮部侍郎達奚珣

唐語林作中書舍人蓋以中書舍人守禮部侍郎也

三載

甲申

正月丙申朔改年爲載

舊書本紀

七月詔曰朕欽惟載籍討論墳典以爲先王令範莫越於唐虞上古遺書實稱於訓誥雖百篇奧義前代或亡而六體奇文舊規猶在但以古先所制有異於當今傳寫浸訛轉疑於後學永言刊革必在從宜尙書應是古體文字並依今字繕寫施行永念典謨無乖於古訓庶遵簡易有益於將來其舊本仍藏之書府

冊府元龜唐會要

十二月甲寅

新書作癸丑

親祀九宮貴神於東郊禮畢大赦天下制曰

自古聖人皆以孝理五常之本百行莫先移於國而爲忠事於長

而爲順永言孝道實在宏人自今以後令天下家藏孝經一本精勤誦習鄉學之中倍增敦授邵縣官長明申勸課百姓間有孝勤過人鄉閭欽伏者所由長官具以名薦朕惟熙庶績博訪逸人豈唯振拔滯淹以期於大用亦欲襲崇高尚將敦於薄俗虛佇之懷兼在於此其有高蹈不仕遁跡邱園遠近知聞未經薦舉者委所

在長官以禮徵送

舊書本紀 唐大詔令集 此制孫逖所草

進士二十九人

趙岳

狀元

岑參

唐才子傳岑參南陽人文本之後天寶三年趙岳榜第二人及

第杜確岑嘉州集序

楊賁

唐詩紀事賁登天寶三年第

知貢舉

禮部侍郎達奚珣

見唐語林

四載乙酉

五月引見諸州高蹈不仕舉人詔曰君子之道所以正心志全貞吉也逸人之舉所以勵天下激浮躁也朕欽崇先訓以道化人思致棲真之士用光咸在之列是以頻降旌帛冀空巖藪虛懷式竚明發不忘卿等來膺辟命遠至城闕周文多士旣叶於旁求虞舜疇咨亦在於僉議爰命臺省詢於道業或善行無跡名實難窺或大器晚成春秋尚富津涯未測輪栢何施事且隔於行藏道遂分於出處其馬曾唐大詔令集作馬尚曾常廣心賀蘭迺等三人宜待後處分崔從一王允貽唐大詔令集作王元贍韓宣胡祭唐大詔令集作胡賁趙元獎等五人

年龔既高稍宜優異宜各賜緣衣一副物二十段餘并賜物十段
不奪隱淪之志以成高尚之美並宜坐食食訖好去仍依前給公
乘還郡數日曾爲左拾遺廣心廸並爲金吾衛兵曹

冊府元龜

七月乙卯詔曰王者天其祖學者父其師義有尊崇情歸孝敬況
我元宗道要無名象先猶龍莫測昔嘗問禮烹鮮有論歷代攸尊
永爲重元眾教之父者也朕續承聖緒祇服元言乙夜觀書將求
於道雖理歸絕學信無取於筌蹄然垂代作程義必存乎文字俾
之大順亦合禮經其墳集中有載元元皇帝南華等真人猶稱舊
號者並宜改正其餘編錄經義等書亦宜以道德經列諸經之首

其南華經等不須編在子書仍卽令集賢院審詳改定應舊號并
科目訖具付宣所司仍頒示中外

冊府元龜

九月一日銀青光祿大夫國子祭酒上柱國李齊古表上石臺孝
經曰臣齊古言臣聞孝經者天經地義之極至德要道之源在六
籍之上爲百行之本自文宣旣歿後賢所注雖事有發揮而理成
乖舛伏惟開元天寶聖文神武皇帝陛下敦穆孝理躬親筆削以
無方之聖討正舊經以不測之神改作新注朗然如日月之照邈
矣合天地之德使家藏其本人習斯文普天之下罔不欣戴仍以
太學王化所先孝經聖理之本分命璧沼特建石臺義展睿詞書

題御翰以垂百代之則故得萬國之歡今刊勒既終功績斯著天文炳煥開七耀之光輝聖札飛騰奪五雲之氣色煙花相照龍鳳沓起實可配南山之壽增北極之尊百寮是瞻四方取則豈比周官之禮空懸象魏孔氏之書但藏屋壁臣之何幸躬覩盛事遇陛下興其五孝忝守國庠率胄子歌其六德敢揚文教不勝忭躍之至謹打石臺孝經本分爲上下兩卷謹於光順門奉獻兩本以聞臣齊古誠惶誠恐頓首頓首死罪死罪謹言勅曰孝者德之本教之所由生也故親自訓注垂範將來今石臺畢功亦卿之善職覽

所進本深嘉用心

石刻
拓本

進士二十五人

殷寅

見文苑英華 新書王紹傳紹父端與柳芳陸據殷寅友善據言端之莊芳之辨寅

之介可
以名世

李岑

見文苑
英華

趙鐸

見文苑
英華

高蹈不仕科

馬曾

見文苑
英華

常廣心

見冊府
元龜

賀蘭迪

見冊府
元龜

知貢舉

禮部侍郎達奚珣

見唐語林 石臺孝經刻於天寶四載九月其後列街有中大夫行禮部

侍郎上輕車都尉臣達
奚珣是其年知舉也

殷寅元元皇帝應見賀聖祚無疆詩曰應歷生周日修詞表漢年

復茲秦嶺上更似霍山前昔贊神功起今符聖祚延已題金簡字

仍訪玉堂仙睿祖光元始曾孫體又元言因六夢接慶叶九靈傳

北關心超矣南山壽固然無由同拜慶竊忤賀陶甄

文苑
英華

李岑元元皇帝應見賀聖祚無疆詩曰皇綱歸有道帝系祖元元
運表南山祚神通北極尊大同齊日月興廢應乾坤聖后趨庭禮
宗臣稽首言千官欣賜覩萬國賀深恩錫宴雲天接飛聲雷地噴
祥雲飛紫閣喜氣繞皇軒未預承天命空勤望帝門

文苑
英華

趙鐸元元皇帝應見賀聖祚無疆詩曰聖主今司契神功格上元
豈唯求傳野更在叶鈞天留夢西山下焚香北闕前道光尊聖日
福應集靈年咫尺真容近巍巍大象懸鴈從百寮獻形爲萬方傳

聲教惟皇矣英威固邈然慚無美周頌徒上祝堯篇

文苑英華
按冊府元龜

天寶四載二月甲午崇元館學士門下侍郎陳希烈奏曰伏見太
清宮道士蕭從一云今日五更欲於殿上焚香行至三清門忽有

一片紫雲從空下兼有異常音樂忽然如夢身心驚駭見空中有異人兼仙童玉女謂從者曰我是元元皇帝可報吾孫汝是上界真人今侍吾左右吾實使天匠就助成就訖長衛護汝受命無疆災害自除天下安樂言訖隨雲氣便入殿門謹按諸道士學生皆稱今日凌晨於三清門外見道士蕭從一鞠躬唱喏三四聲有紫雲及音樂移時不散伏惟陛下虔誠奉道福佑所歸置玉石真容侍聖祖左右仙樂下慶天匠助成紫雲徘徊移時不散空中有語所報非常言聖壽之延長億萬載之無極伏望宣付史館帝手詔答之故知爲

此年試題

五載

丙戌

正月二十三日詔曰禮記垂訓篇目攸殊或未盡於通體是有乖於大義借如堯命四子所授惟時周分六官曾不繫月先王行令蓋取於斯苟分至之可言何弦望之是舉其禮記月令宜改爲時

卷之六
令冊府元龜

唐會要

集賢院學士尚書左僕射兼右相吏部尚書修國史上柱國晉國公李林甫等上注解刪定禮記月令表曰臣聞昔在唐虞則歷象日月敬授人時降及虞舜則璿樞玉衡以齊七政夏后則更置小正周公則別爲時訓斯皆月令之宗旨也逮夫呂氏纂集舊儀定以孟春日在營室有拘恆檢無適變通不知氣逐開移節隨斗建洎乎月朔差異日星見殊乃令零祀愆期百工作沴事資革弊允屬更宜昭代敬天勤民順時設教是以有皇極之敷言親降聖謨重有刪定乃依构建爰準攝提舉正於中匪乖期於積開展端於

始不爽候於上元節氣由是合宜刑政以之咸序遂使金木各得其性水火無相奪倫蓋所謂順乎天而應乎人者也乃命集賢院學士尙書左僕射兼右相吏部尙書李林甫門下侍郎陳希烈中書侍郎徐安貞直學士起居舍人劉光謙宣城司馬齊光又河南府倉曹參軍陸善經修撰官家令寺丞兼知太史監事史元晏待制官安定郡別駕梁令瓚等爲之注解臣等虔奉綸旨極思何有愧無演暢之能謬承載筆之寄義深罕測學淺無能冀副天心空座聖意謹上

石刻
拓本

二月二十四日詔曰道爲理本孝實天經將闡教以化人必深究

於微旨朕親承聖訓覃思元宗頃改道德經載字爲哉仍隸屬上句及乎廷議眾以爲然遂錯綜真銓因成注解又孝經舊疏雖粗發明幽蹟無遺未能該備今更敷暢以廣闕文且妙本逾元微言久絕或怡然獨得或參以諸家庶宏聖哲之規用叶君親之義仍令集賢院具寫送付所司頒示中外

冊府元龜 唐會要 按孝經注已於天寶二年重修此

修者孝經疏也

進士二十一人

羊襲吉

王芝堂談薈於六年楊護之前載三年狀元羊襲吉按三年狀元爲趙岳則三

字恐五字之訛附此俟考

知貢舉

禮部侍郎達奚珣

見唐語林

六載丁亥

正月戊子南郊禮畢

冊府元龜作丁亥南郊按舊書本紀丁亥親享太廟戊子親祀圜丘今從之大赦

天下制曰選賢推能膏慮不廣三府之辟則惟採於大名四科之

薦蓋不通於小學今承平日久仕進多端必欲遠賁弓旌載空巖

穴片善必錄末技無遺天下諸色人中通明一藝已上各任薦舉

仍委所在郡縣長官精加試練灼然超絕流輩遠近所推者具名

送省仍委尙書及左右丞諸司委御史中丞更加對試務取名實

相副者一時奏聞

冊府元龜元結喻友云天寶丁亥中詔徵天下士人有一藝者皆得詣京師就選相國晉公

林甫以草野之士猥多恐漏洩當時之機議於朝廷曰舉人多卑賤愚瞶不識禮度恐有謬言污濁聖聽於是奏待制者悉令尙書

長官考試御史中丞監之試如常吏已而布衣之士無有第者遂表賀人主以爲野無遺賢

進士二十三人

王芝堂談舊作二十二人雲麓漫鈔天寶六年楊護榜試因兩賦按文苑英華同兩賦以道德希夷

仁美

楊護

狀元見唐才子

李濟

見文苑英華同兩賦以道德希夷

字堅水天寶中擢進士調太

石鎮

見文苑英華按續於是年

上座龜瑩記其結銜但

蔣至

見文苑

包佶

新書劉晏傳包佶

唐志子傳包佶字幼正天寶六年楊護榜進

士書錄解題包佶天寶六載進士兄何後一年

孫登

見文苑

劉蕃唐詩紀事蕃登天寶六年進士第

諸科一人

風雅古調科

薛據

見冊府元龜唐會要唐才子傳薛據天寶六年中風雅古調科第一人

知貢舉

禮部侍郎李嚴

見唐語林

李濟罔兩賦曰夫物有形而必累影隨形以相保窮希微而歸眞信罔兩之合道豈其取捨焉得醜好諒不由其運行實稟之於元造原夫不皦不昧無失無得甯在陽而必遷曷處陰而自默罔言成象合莊叟之深衷貴影辨疑異田巴之見惑豈徒飾詞比事所以尊道貴德增於物或有知其長短察於人孰可分其黑白搏之則微聽之則希將去彼而取此由虛往而實歸明引喻混是非用之於身豈疾走可息行之於國則至道之肥

原闕四字

故往無思吾有

影而何患吾有色而可遺同焉皆得沒而不衰尋邊鄙契之於罔

象鑄局鑄合之於希夷夫焉則豈止持操自保納虛爲鄰復歸無物夫何有云匪勞逸之足眩曷行藏之是親任皇人之化迹通天地之不仁況我國家道周寥廓德及純粹摛僞歸真絕聖棄智漢陰抱甕而匿影赤水遺珠而有愧罔兩難明恍惚無累徒以知人藏化見德思義儼微陰之所及幸餘光兮不我祕

文苑英華

石鎮罔兩賦曰粵若窮理盡性在宗載考觀窮元元許謨天造憫鷦鷯之爲得處一枝而屬厭詞罔兩而格言詳萬籟於至道道之爲體也無思無慮惟靜惟默黃帝得之而升於雲天維斗得之而運於辰極下空洞之路理必諧於襄野登隱空之邱義無虧於建

德爾其問影責實稽謀惟微審行止之常分固怨舊而用希陰與
夜兮吾所隱火與日兮吾所依若有待而持操誠不協於天機且
夫步日者足憐蚊者夔雖鳬鵠而異稟將斷續而則悲苟安時以
處順惟我心之則夷如莫邪之或躍必歐冶之見遺客有感之而
歎曰大塊勞我聖人不仁天地無私於覆載陰陽脗合於陶鈞動
之則矯實之則親汎然無跡睭然絕塵時既來而不再物亦煦而
知春夫如是則何患無位不作守道安貧而已哉於是罔兩卑陬
改容逡巡徐避養濬泊懷簡易鄙白龍之遇制嗤文豹之有累寓
百骸於神理休四海之光被在埏埴於洪鑪得修身之明義

文苑
英華

蔣至罔兩賦曰揖傲吏以逍遙啟眞經於探討則知辨彫萬物富有三寶假影外之微陰喻域中之大道惟彼罔兩同夫糾纏邈矣難名混兮不測離婁目眩而方見桑宏心計而甯識其出也與影俱遊其入也與陰相息乃謂影曰子於我兮何力我於子兮何德將詰之於心請對之於臆殊途兮同歸孰是兮孰非進豈得苟退殊所希繫我有待俾爾相依在波瀾而比目升雲漢而聯飛胡乃折責其持操而欲論乎等威者哉且夫出入隨口行藏任時儀刑長短取象毫釐雖襲華而今槁豈變態而殊姿語默無滯類達人

之舒卷視聽無及符至道之希夷原夫以陰託影以影輔人行則

無跡居必同塵不樂葆太甯悲賤貧茹藜被褐非所恥腰金鳴玉
非所珍誰泣楊朱之路誰迷宣父之津誠滑疑於至理不天闕於
天眞則知於物有憑處身如寄和光遠害是其道先人後已是其
義鑒之者雖臨水而罕窺畏之者將奔走而奚避欲明有象之無
象有媿知音之意

文苑
英華

包佶罔兩賦曰罔兩謂形豈伊天造試一商榷此焉探討謂之小
入乎無間謂之大達於蒼昊雖則名參於異物抑亦齊理於至道
今將議其旨窮其色爲涅而不緇爲繫而不食或託之於鱗介或
生之於羽翼謂子有回日之役謂子有戴山之力向若執盈似虛

太白若黑黽黽有難名之稱乘乘有可尙之德苟不然者人將奚
則彼逐者影動每相依既不可逼又不可違凌青冥而對舉投汗
漫而雙飛鑒秋葉而逾靜臨夕陽而慙微彼何事而相託此何心
而所希罔兩曰我形子影我應子追我憑子之狀子假我之威甯
論立兮與坐夫何操而不持似都捐於視聽宛冥合於希夷未識
形爲影之主影亦形之賓詎可責之於動息又何怒之於因循使
惡跡者止其足厭影者陰其身子之意兮焉適唯此求而得仁更
憶班固麗藻漆園清真述幽通於前烈繼逍遙於後塵沈吟染翰
願慕書紳於是稽乎古陳乎義常未得其一端固多漸於明試

苑文

英華

孫鑒罔兩賦曰南華真人立元古恣探討圻罔兩之喻明希夷之道將欲俾三光之懸爲百代之寶其始也若乃天清氣明長雲如掃呈纖微之虛質揚太陽之杲杲莫不以影爲典以形爲則動靜委任濃纖合德欣禦寇之輕盈恥壽陵之匍匐遇夫明也有似夫亨通遇夫陰也何異於否塞罔兩責於影曰子實傷躁吾之甚微謂爲無也雖微而必有謂其有也雖可名曰希吾將捨子而去子復何所歸影乃假詞而諭曰夫鴻鈞造物其道大夷至精者不思而元得情昏者役慮而不知則吾之與爾皆形之陰也焉得以自

頤亦何以捨天地之大德承日月之無私幸文明之宣照故纖毫而不遺罔兩於是欣然而應曰此乃適其身居其神靜躁匪肅吉凶由人雖讓搆不能以相間安繩墨之竟爾相因翳夫行高道潔煦然慈仁規行矩步和光同塵志存禮義上奉君親是以吾以與爾俱得其真無終食之見捨罔不孤之有隣豈比夫其體聳頑本枝險詖隨誇競以馳騁靡道德之浸漬務咕囁之委曲疲趑趄之巧僞騰浮薄而爲名竟顛蹶以俱累豈與盛明之光燭希薦能而

比義

文苑
英華

七載

戊子

五月壬午受冊徽號大赦天下詔曰古者鄉有塾黨有序所以明尊卑之儀正長幼之序風化之道義在於茲先置鄉學務令敦勸如聞郡縣之間不時訓誘閭巷之內多虧禮節致使言詞鄙褻少長相陵有玷清猷何成雅俗自今已後宜令郡縣長官申明條式切加訓導如有禮儀興行及綱紀不立者委採訪使明爲褒貶具狀聞奏道教之設洎化之原必在宏闡以敦風俗須列四經之科將冠九流之首雖及門求道頗有其人而覩奧窮微罕聞達者豈專精難就爲獎勸未宏天下諸色人中有通明道德經及南華等四經任於所在自舉各委長官考試申送

舊書本紀 冊府元龜 唐大詔令集

進士二十四人

楊譽

狀元

包何

唐才子傳包何字幼嗣潤州延陵人包融之子也與弟侏俱以

詩鳴時稱二包天寶

李嘉祐

唐才子傳李嘉祐字從一趙州人天寶七年楊譽榜進士極元集李

嘉祐袁州人天

權皋

舊書權德輿傳父皋字士繇少以進士補貝州臨清尉李華權皋墓表既冠進士

寶七年進士

及第以大應元年卒年四十二計之是年二十四故曰既冠也

權文公集王妣楊夫人墓誌云天寶四年先太保貞孝公既孤夫

人慈仁訓育以文行紹

郭珍岑

沈亞之旌故平盧軍節士文郭

續錄進士第授臨清尉

及第以舉進士與

李栖筠

新書本傳字貞一族子華每稱有王

權皋著作同上第

德輿贊皇文獻公文集序德輿先公與公天寶中修詞射策爲同

門生按栖筠卽吉甫之父

按黃石公祠碑題趙郡李卓撰碑

陰有大應八年齊嵩記云所題趙郡李卓

卽今臺長栖筠是棲筠未第時名卓也

知貢舉

禮部侍郎李巖

見唐語林

八載己丑

進士二十八

有道科

高適

唐詩紀事高適字達夫舊書本傳高適者渤海

家貧客於梁宋以求可取給天寶中海內事干進者注意文詞適年過五十始留意詩什數年之間體格漸變以氣質自高每吟一篇已爲好事者稱誦宋州刺史張九皋深奇之薦舉有道科

讀書志高適又字仲武渤海人天寶八年舉有道科中第

拔萃科

王闕

廣卓異記引登科記闕天寶元年狀元八年拔萃頭登科

知貢舉

禮部侍郎李巖

見唐語林封氏聞見錄天寶初達奚珣李巖相次知貢舉進士文名高而帖

落者時或試詩

放過謂之贖帖

九載庚寅

正月丁巳詔以十一月封華嶽

新書本紀

三月辛亥西嶽廟災時久旱制停封西嶽

舊書本紀

七月己亥國子監置廣文館徙生徒爲進士業者

舊書本紀

七月詔於國子監別置廣文館以舉常修進士業者斯亦救生徒之離散也

進士二十一人

沈仲昌

唐詩紀事仲昌登天寶九年進士第

賈邕

唐詩紀事邕天寶九年李

暉侍郎下登第

蕭穎士江有歸舟詩序後進而余師者自賈邕盧冀之後比歲舉進士登科

知貢舉

禮部侍郎李暉

見上唐語林作中書舍人李韋唐詩紀事又作崔暉

封氏聞見錄李右相

在廟堂進士王如泚者妻公女以伎術供奉元宗欲與改官拜謝而請曰臣女婿王如泚見應進士舉伏望聖恩回換與一及第上許之付禮部宜與及第侍郎李暉以詔詣執政右相曰如泚文章堪及第石暉曰與亦得不與亦得右相曰若爾未可與之明經進

士國家取才之地若聖恩優異差可與官今以及第與之將何以觀林甫卽自聞奏取旨如泚賓朋譙賀車馬盈門忽中書下牒禮部王如泚可依例考試聞者愕然失措矣

十載

辛卯

正月壬辰朝獻太清宮癸巳朝饗太廟甲午有事於南郊合祭天地禮畢大赦天下制曰朕搜羅賢俊旌賁邱園猶慮遁跡藏名安卑守位瞻言及此寤寐思焉其諸色人中有懷才抱器未經薦舉者委所在長官審加訪擇具名錄奏

舊書本紀
冊府元龜

九月辛卯御勤政樓試懷才抱器舉人命有司供食有舉人私懷

文策坐殿三舉並貶所保之官

冊府元龜

丙申舉人並下第勅曰朕祇應寶歷殷鑒遠圖慮草澤之遺賢降
弓旌於慮辟是以三紀於茲羣材輻湊或一言可紀必適輪轅一
善有經每加獎進庶六合之內靡然同風四科之門咸能一貫何
茲意之繡遯而增修之寂寥今者舉人深乖宿望朕之所問必正
經史卿等所答咸皆少通所問多否以獨鑒未周必資僉議爰命
朝賢三事精加詳擇咸以爲關於聚學莫可登科至於每歲秀才
有司考試帖經問策兼以雜文假如及第在階選序今之將舉待
以榮班各非異才孰可超獎壘鑿經傳且未精勤俯拾青紫豈宜
倖覲其懷才抱器舉人並放更習學卽好去其有不對策羅嘉茂

既是白丁宜於劍南效力全不答所問崔慎惑劉鴻等勒爲本郡

充學生之數勿許東西其所舉官各量貶殿以示懲誡

冊府元龜

進士二十人

永樂大典引蘇州府志天寶十載侍郎李麟知舉試

四聲爲韻

李巨卿

狀元

錢起

唐才子傳錢起字仲文吳興人天寶十

天寶十載登進士第起能五言詩初從鄉薦寄家江湖常於客舍
月夜獨吟達聞人吟於庭曰曲終人不見江上數峯青起愕然攝
衣視之無所見矣以爲鬼怪而志其一十字起就試之年李暉所
試湘靈鼓瑟詩題中有青字起即以鬼謠十字爲落句暉深嘉之
稱爲絕唱是歲登第按李暉當作李麟

謝良輔

唐詩紀事謝良

年進士第按文苑英華豹易
賦有錢起謝良輔當從之

魏瓘

見文苑英華

陳季

見文苑英華

莊

若訥

見文苑英華

王邕

見文苑英華

明經科

賈耽

鄭餘慶左僕射賈耽神道碑公諱耽字敦詩天寶十載明經高第

賈至

唐才子傳讀書

志皆云天寶十年賈至明經擢第按賈至已於開

元二十三年進士及第此以進士又應明經也

博通墳典科

歸崇敬

柳宗元四門助教廳壁記歸崇敬天寶中舉博通墳典科對策第一蘇州府志列於

是年

才可宰百里科

顏允臧

顏魯公集顏允臧神道碑銘君諱允臧字季甯京兆長安人天寶十載制舉縣

及第

歸崇敬

新書本傳崇敬舉博通墳典科對策第一遷四門博士有詔舉才可宰百里者復策高等

上書拜官一人

杜甫

新書本傳天寶十三載元宗朝獻太清宮養廟及郊甫奏賦三篇帝奇之使侍詔集

賢院命宰相試文章

黃鶴曰舊書元宗紀十載正月乙酉朔壬

辰朝獻太清宮癸巳朝饗太廟甲午有事於南郊朝饗太廟賦曰壬辰既格於道祖乘輿卽以是日致齋於九室有事於南郊賦曰二之日朝廟之禮既畢與舊書甲子俱合則爲十載獻賦明矣按

黃說是也

今從之

知貢舉

兵部侍郎李麟

唐語林作中書舍人按舊書本傳云天寶七載遷兵部侍郎同列楊國忠專權

不悅麟同職宰臣奏補以本官權知禮部貢舉俄而國忠爲御史大夫麟復本官十一載遷銀青光祿大夫國子祭酒是知舉時不爲中書舍人明矣

錢起豹舄賦曰麗哉豹舄文彬彬豹則雕虎齊價舄與君子同身故得飛聲入楚見賜留秦曩者胡爲隱霧而不下今則何幸對雪而迎賓蓋因虞者之獲成於匠者之手苟當時以爲用雖殺身而何有於以理之美且無度旣居下以禦溼亦迎前而啟路花映香塵光生玉步借使登朝廷列臺閣規矩不改會同自若投其迹

必陟鴛鴦之行取其文不改犬羊之韓詩人歌其事春秋美其名
捨則止用則行逗迥齊飛遙分鄰令之術入朝曳響近雜尙書之
聲彼糾糾葛屨珊瑚珠履一則固窮一則僭起制度首出憲章俱
美嘗試談論其茲焉而已士或覽之而言曰象以齒而焚龜以骨
而斃況之豹也憑巖穴以逞欲以爪牙而自衛而有用於人竟以
皮而戾一朝寢處成此新偉夫斑文散煥毳毛蒙密映鶴筆以迎
暉臨翠被以曜質於斯時也不可談悉亦有刻意未參卑秩東郭
之曳履長穿王生之結襪何日思蔚然而一變歌豹焉以自畢

文苑

英華

謝良輔豹鳥賦曰惟茲烏兮稱珍受異質而彬彬其文也合變於
君子其用也見美於詩人伊昔大匠未知含章可久栖山隱霧或
羣或友且申威以肅口寧畏險而挺走豈知獻狀於縹者之身入
用於屨人之手敏手既至光華增媚兩美必合一朝成器信常功
之嘉猷爲盡飾之美利苟賞善之在我甘殺身而不懟曲直裁成
威儀可觀若向也獸而今也鳥諸侯所重楚子之翠被有光王者
攸宜周官之赤繡無數左之右之乍合乍離每唯命以進退將有
翼於威儀擇地而行豈慮泥塗之辱有道則至尙懷文彩之奇故
尙書之曳屨聲則有旨中郎之倒屣義亦爲美雖惜原注疑足以同

方豈能文而可紀則知隨時應物順人合度克通夫莫往莫來實
怪於規行矩步滯阜鄉之自惜飛艤縣之可慕願賓上國之堦墀
冀吾君之一顧夫材俟時而進用時俟材以求索彼微獸之有章
亦飾躬而制作慕公孫之几几恥滑稽以文錯幸參鸛鷺之行無
雜犬羊之羣若然者則荷夫天衢之亨對斯文而不作

文苑
英華

錢起湘靈鼓瑟詩曰警鼓雲和瑟常聞帝子靈馮夷空自舞楚客
不堪聽苦調淒金石清音入杳冥蒼梧來怨慕白芷動芳馨流水

傳湘浦悲風過洞庭曲終人不見江上數峯青

文苑
英華

魏瓘湘靈鼓瑟詩曰瑤瑟多哀怨朱絃且莫聽扁舟三楚客蕤竹

二妃靈浙瀝聞餘響依稀欲辨形柱間寒水碧曲裏暮山青良馬

悲銜草遊魚思繞萍知音若相遇終不滯南溟

文苑英華

陳季湘靈鼓瑟詩曰神女泛瑤瑟古祠嚴野亭楚雲來泱泱湘水助清冷妙旨微幽契繁聲入杳冥一彈新月白數曲暮山青調苦

荆人怨時遙帝子靈遺音如可賞試奏爲君聽

文苑英華

莊若訥湘靈鼓瑟詩曰帝子鳴金瑟餘聲自抑揚悲風絲上斷流水曲中長出沒游魚聽透迤彩鳳翔微音時扣徵雅韻乍含商神理誠難測幽情詎可量至今聞古調應恨滯三湘

文苑英華

王邕湘靈鼓瑟詩曰寶瑟和琴韻靈如應樂章依稀聞促柱髣髴

夢新粧波外聲初發風前曲正長淒清和萬籟斷續繞三湘轉覺

雲山迴空懷杜若芳誰能傳此意雅會在宮商

文苑英華

十一載

王辰

七月舉人帖及口試竝宜對眾考定便唱通否

冊府元龜
唐會要

十二月勅禮部舉人比來試人頗非允當帖經首尾不出前後復取者也之乎頗相類之處下帖爲弊已久須有釐革禮部起今每

帖前後各出一行相類之處並不須帖是載禮部侍郎楊浚始開

爲三行

原注不得帖斷
絕疑似之言也

明經所試一大經及孝經論語爾雅帖各

有差帖旣通而口問之

經問十義得六者爲通問通而後試策

凡三條三試皆通者爲第進士所試一大經及爾雅

原注舊制帖一小經并注

開元二十五年改帖大經其爾雅亦并帖注也

帖既通而後試文試賦各一篇文通而後

試策凡五條三試皆通者爲第

原注經策全通爲甲策通四帖通四以上爲乙策通三帖通三以下

及策雖全通而帖經文不通四或帖經雖通四以上而策不通四皆爲不第

明法試律令各十帖試策

共十條

原注律七條令三條

全通爲甲通八以上爲乙自七以下爲不第書

者試說文字林凡十帖

原注說文六帖字林四帖

口試無嘗限皆通者爲第算

者試九章海島孫子五曹張邱建夏侯陽周髀五經綴術緝古帖

各有差

原注九章九帖五經等七部各一帖綴術六帖緝古四帖

兼試問大義皆通者爲第凡

眾科有能兼學則加超獎不在常限

冊府元龜

封氏聞見錄天寶十一年楊國忠初知選事

進士孫季卿曾謁國忠言禮部帖經之弊舉人有實才者帖經既落不得試文若先試雜文然後帖經則無遺才矣國忠然之無何有勅進士先試帖經仍前後開一行是歲收人有倍常歲

進士二十六人

薛播

舊書本傳河中寶鼎人書舍人文思何孫也父元暉什邡令播天寶中舉進士

播天寶十一年登第見五百家韓注
詩曰歸去新戰勝盛名人共聞鄉連渭川樹家近條山雲夫子能好學聖朝全用文弟兄負世譽詞賦超人羣雨氣醒別酒城陰低暮曛遙知出關後更有一終軍

知貢舉

禮部侍郎李麟

見唐語林按舊書本紀十一月丙午兵部侍郎兼御史中丞楊國忠兼領劍

南節度使蓋李麟復本官在此時而楊浚代爲禮部侍郎故十二月有楊浚奏也

十二載

癸巳

六月八日禮部奏以貢舉人帖經既前後出一行加至帖通六與

過唐會
要

七月壬子詔天下舉人

舊書本紀作齊人

不得充鄉試

舊書本紀作鄉貢

皆須補

國子學生及郡縣學生然後聽舉

舊書本紀作貢舉

四門俊士停

舊書本紀冊

府元
繼

進士五十六人

楊儼

狀元玉芝堂談薈作楊狀蓋字形相近致訛

鮑防

舊書本紀幼孤貧篤

志好學屬文天寶末舉進士

唐才子傳鮑防字子慎天寶十二年楊儼榜進士襄陽人也

穆員鮑防碑有唐尚書東海宣公姓

鮑諱防字子慎河南洛陽人舉進士高第以

皇甫曾

唐才子傳

孝常冉之弟也天寶十二年楊儼榜進士

唐詩紀事皇甫曾天寶中兄弟踵登進士第

獨孤及故左補闕皇甫冉集序君母弟

張繼唐才子傳張繼字懿孫襄

君有誨誘之助焉既而麗藻競爽盛名相亞

州人天寶十二年禮部侍郎楊浚下及第與皇甫冉有同年之故

契邇昆弟早振詞名唐詩記事引高仲武云張繼員外累代詞

伯積襲弓箕其於爲文不雕

李清

唐詩紀事清天

長孫鑄唐

不飾及爾登第秀發當時

紀事

天寶十二年進士

楊浚舍人下及第

睦州刺史府君神道碑曾大父瀘州刺史元泰生大父饒州郡太

劉太沖

唐詩紀事太沖天寶十

林披

守萬龍饒州生府君贈睦州刺史府君諱披字茂則年十有五自

寫六經百家子史千餘卷年二十以經業擢第授臨汀郡曹掾永

樂大典載臨汀志引林氏續慶圖林披二十以明經擢第林氏

續慶圖字茂彥萬龍次子天寶十一年

擢第閩川名士傳披一作丕莆田人

知貢舉禮部侍郎楊浚見唐語林按諸書所引楊或作陽浚或

郎楊浚掌貢舉問蕭穎作俊又作渙皆非李華三賢論禮部侍

士求人海內以爲德選

十三載甲午

午

二月乙亥

新書作
甲戌

御興慶殿受徽號禮畢大赦天下制曰自臨御

以來四十餘年棧樸延想寤寐求賢林藪無遺旌招不絕猶慮昇平已久學業增多至於徵求或遺僻陋其博通墳典洞曉元經清白著聞詞藻宏麗軍謀出眾武藝絕倫者任於所在自舉仍委郡縣長官精加詮擇必取才實相副者奏聞且厚其風俗五教之旨聿興資於邱園十翼之風斯在其士庶間眾推孝弟累代義居高尚確然隱遁巖穴者委採訪使博訪問薦

舊書本紀 冊府元
龜 唐太宗令集

七月二十七日勅如聞嶺南州縣近來頗習文儒自今以後其嶺南五府管內白身有詞藻可稱者每至選補時任令應諸色鄉貢

舉仍委去使淮式考試有堪及第者具狀聞奏如有願赴京者亦

聽

冊府元龜

十月

唐會要作十月一日

御含元殿

舊書本紀楊綰傳皆作御勤政樓

親試博通墳典洞曉

元經詞藻宏麗軍謀出眾等舉人命有司供食既暮而罷其詞藻

宏麗科問策外更詩律賦各一首制舉試詩賦自此始也時登科

甲者三人太子正字楊綰最爲所稱乙第者凡三十餘人

冊府元龜

策洞曉元經科曰問大象無體元功陰陽雖稟生之類萬殊而含

道之原一致是以至人垂訓將以微言演爲眞宗貽厥後學包括

六藝周流八表或因事以立言或寓言以詮意至如交樂於天交

食於地不相與爲事不期與爲謀善無所私惡無所棄施之於教
何以勸勉經曰不爭善勝不言善應正直如繩平易如水常務斯
道曷往不臻又曰善建不拔善抱不脫子孫以祭祀不輟斯言信
矣昔放勳欽明光宅天下人歌擊壤政叶雍熙可謂善乎建抱善
乎拔脫宜其帝緒蕃遠貽厥孫謀綿綿瓜瓞邁德垂裕何丹朱之
不嗣而祭祀輟乎又天無二日民無二主若以天下觀天下豈有
二君乎夫君爲元首臣爲股肱君無賢臣誰與其理粵若舜舉八
元致垂拱之化漢用三傑成霸王之業夏殷之末任佞去賢宗社
淪亡爲無匡輔經稱不尙賢者其旨何哉聖人立教專氣致柔故

刑不欲勞往不欲竭深根固蒂可以常存則有朝穆肆任勞逸過
度促齡損性卻以爲然又有惟靜惟清守真守樸二經之說何取
則焉又聞善攝生者動與吉會武不措爪兵難咎刃單豹崑居水
飲身代俱損壽永色孺不免噬搏何衛生之不異而利害之頓殊
子旣洞曉元經探微索隱矛盾若此何以會明側席虛心佇聞啟
沃文苑英華

十六日道舉停習道德經加周易宜以來載爲始

冊府元龜唐會要

進士三十五人

楊紘

狀元 王芝堂談舊作楊紘

韓翃

唐才子傳韓翃字君平南陽人天寶

十三載楊紘榜進士

許堯佐柳氏傳云天寶中昌黎韓翃有詩名禮部侍郎楊度擢翃上第按度卽浚之訛

元結舊書

本傳後魏常山王遵十五代孫曾祖仁基字惟固從太宗征遼東
襄常山公祖亨字利貞父延祖結少不羈十七乃折節向學事元
德秀唐才子傳元結字次山武昌人魯山令元紫芝族弟也天
寶十三載進士禮部侍郎楊浚見其文曰一第愚子耳遂擢高品
後舉制科元結自撰文編序云天寶十二年漫叟以進士獲薦
名在禮部會有司校舊文作文編納於有司當時叟方年少侍
郎楊公見文編嘆曰以上第汚元子耳明年有司於都堂策問羣
士叟竟在上第結又有別王佐卿序癸卯歲元結次山年四十五
癸卯爲寶應二年是天寶十
二年年三十五故曰年少也
喬潭任陸渾尉時元魯山客死是
邑潭減俸禮葬之復卹其孤李華
房白唐詩紀事房白天寶十
三賢論云潭昂之孫有古人風
三年楊浚侍郎下登第
鄔載唐詩紀事鄔載天寶十三年楊浚侍郎
下登第按錢起有送鄔三落第還鄉詩
魏顥顥作李太
前進士魏顥序云顥今登第又云解
擢明年四海大盜蓋於是年登第
尹徵劉太真肅顥士江
序云門弟子有尹徵之學劉太真之文首其選焉今茲春運茹甲
乙淑問休闢爲時之冠浹旬有詔俾徵典校祕書且馳傳壠首領

元戎書記之事四牡駢駢薄言旋歸而太真元昆前已甲科未始
間歲嗣其連舉夏五月迴棹京洛告歸江表按太真兄太沖於十
二年登第云未始間歲是太真登第在十三年矣尹徵蓋亦是年
登第裴度劉太真神道碑銘太真字仲適族彭城公十有五而
志於學弱冠以行義修潔詞藻瑰異名聲藉甚於諸公間天寶中
與伯氏太沖迭昇太常第議者榮之舊書本傳宣州人少師事詞
人蕭穎士天寶末舉進士

諸科一人

詞藻宏麗科

楊綰

見冊府元龜唐會要舊書本傳字公權華州華陰人祖溫玉父俛綰生聰惠年四歲處

羣從之中敏識過人嘗夜宴親賓各舉坐中物以四聲呼之諸賓
未言綰應聲指纖燈樹曰燈盞柄曲眾咸異之及長好學不倦博
通經史九流七略無不該覽尤工文詞藻思清贍而宗尚元理沈
靜寡欲舉進士調補太子正字天寶十三載元宗試博通墳典洞
曉元經詞藻宏麗軍謀出眾等舉人取詞藻宏麗時登科者三人
綰爲之首按舊書元結傳結舉進士復舉制科會天下亂沈浮

人間是結登制科卽在是年紹首

登詞藻宏麗科或結亦其一也

洞曉元經科

獨孤及

唐才子傳

獨孤及洛陽人

天寶十三年

舉

三年載應詔至京師時元宗以道莅天下故黃老教

列於學官公以洞曉元經對策高第解褐拜華陰尉

軍謀出眾科

胡口

太平廣記引定命錄

御史裴周使

州日見

之對曰某昔爲番官曾事特進李嶠嶠獎某聰明每有詩什皆令

收掌常熟視謂之曰汝甚聰明然命薄少官祿年至六十以上

有兩政三十有重厄不知得過否爾後輒斬不得覓身名胡至三

十忽遇張佺北征便隨入軍軍敗賊刃頸不斷於積屍中臥經一

宿乃得活自此已後每憶李公之言更不敢覓官於寺中酒掃展

轉至六十因至鹽州於刺史郭某家爲客有日者見之謂刺史曰

此人有官祿今合舉薦前十月當得官刺史曰此邊遠下州某無

公望豈敢輒薦舉人俄屬有恩赦令天下刺史各舉一人其年五

月郭舉此人

有兵謀至十月策問及第得東宮衛佐官仍參謀范

陽軍事

按李嶠爲特進在景龍三年參謀能掌詩什必已弱冠

左右積至此年得有六十餘是年有赦制又於十月御
試參謀以兵謀及第必應軍謀出眾科也故據以載入

知貢舉

禮部侍郎楊浚

見唐
語林

獨孤及對策曰臣聞道之爲物無名無形蓋聖人酌而用之推而
宏之取其精以脩身用其蘊以頓物從本降跡散樸爲器於是有
可道之道忘言之言其大略雖以沖寂爲宗虛極爲體然妙用無
朕故不可致詰今陛下詰其體探其宗豈不欲因言演教其教遺
有夫長風吹而眾竅號則大無不動細無不應況陛下用爲大道
以鼓羣有臣則吹萬之一音也敢不唱於眾竅之末臣謹按天有
施地有利用天之施以處其和謂之交樂分地之利以養其正謂

之交食夫相與生於有爲有爲生於有事有事則謀名存矣善惡
生於公私公私生於用用則棄名立矣然聖人有爲不爲焉有事
無事焉有謀不謀焉有善無善焉有惡無惡焉泯善惡於一致合
同異於萬殊則妙門可存教父斯立臣又按道德經云天罔恢恢
疏而不失常有司殺者殺之此不爭善勝之應也文宣王稱天何
言哉四時行焉百物生焉此不言善應之驗也周書云無偏無黨
王道蕩蕩此正直如繩之效也經又云居善地心善泉與善仁言
善信此平易如水之證也陛下垣其言挹其道以爲天下式四十
有二載矣且復推功外名不有不恃考言詢事若冲若缺詔臣等

曰常務斯道曷往不臻臣甌生也焉知其辨雖然有一於此願陛下守而勿失與神爲一使神不遠於人人不遠於天天人合并如應響交應則甚夷之道焉往而不臻夫有國者必善建皇極善抱至道道之不存傾其宗遷其社之謂拔桀放南巢受死牧野是也極之不建失其器亡其國之謂脫太康去洛汭幽王敗驪山厲王流彘是也至如堯知天歷在躬故以至公官天下天下戴之而不辭知丹朱不肖又以至公禪天下下去之而不怨可謂邁德矣其後裔更霸迭王重之以御龍唐杜之代祿可謂垂裕矣陛下興廢繼絕立五帝祠卽春秋備其祭典亦可謂祭祀不輟矣方之拔

脫臣謂不同經曰不尙賢使民不爭大哉聖人之知微知彰乎夫尙賢者國家之所當先然古先聖人曰雖求賢審官其用未始不無爲也而聖人能無爲於求賢不能使無爲無迹存則有爲者尙之以爲利於是有飾智以驚愚脩身以明汙其漸起於一時之名其弊存乎千載之後不尙賢者非謂廢股肱之任絕臣輔之力也蓋欲因時致功功成則遺而遺之因義立事事遂則有而無之無之則跡滅跡滅則爭息爭息則於爲無爲於事無事雖八元以翼唐弼虞三傑之戡秦滅項其無爲無事一也若夫齊天地冥萬物莫大於全真專氣致柔全真之本也惟清惟靜全真之中也各然

其所然各可其所可全真之末也設教者三合其一以貫之雖逍遙與道養殊途然性靜與力命同轍苟因其合而較其分則子產不得不勞於刑政朝穆不得不逸於肆任若矯其肆任之性以徇刑政之端是續鳧截鶴虧其全矣故聖人以大猷御六氣之辨以大方合二經之旨明應變無方立言不一學者宜忘言以究其體統不可執言以滯其筌蹄經不云乎返者道之動惟動而當靜靜可以取則權足以合義義無反經凡養生者以本爲精以物爲麤閉其外慎其內迹不踐凶危之境故兵不能容其刃心不居馮暴之地故武安得措其爪苟守其精而遺其麤故得於內而喪其外

外內無以持其分則衛生之經悖矣謂之不異臣竊異之至如希微大體微妙元鑰陛下得黃帝之遺珠久矣雖廣成無所陳其至精傳說無所用其兵悔啟沃之問豈臣及之有願審謀懼隕越於

下謹對

文苑英華

十四載

乙未

二月十日宏文學生自今以後宜依國子監學生例帖試明經進

士帖經並減半雜文及策皆須粗通仍永爲常式

冊府元龜
唐會要

四月初勅國子監諸生等既非舉時又屬暑月在於館學漸炎蒸其欲有歸私第及還鄉貫習讀者竝聽仍委本司長官具名申牒

所繇任至舉時赴監東京監亦准此

冊府元龜

十月甲午頒御注老子并義疏於天下

舊書本紀

十一月甲子安祿山反於范陽

通鑑

十二月丁酉祿山陷東京

舊書本紀十四年王

太平廣記引定命錄天寶

處卜得純乾卦下四位動變觀卦沈云公今應舉得此卦觀國之光利用資於王本是嘉兆然交動羣陰成陽下成乾卦上變至四又不至五五是君位未得利見大人恐公此行不

至京而迴果至東京屬安祿山反奔走卻歸江東

進士二十四人

常袞

舊書本傳京兆人父無爲袞天寶末舉進士

按于邵與常袞書云相公當時袞然

居天下第一是常袞爲狀元十三載爲楊紘榜十五載爲盧庚榜故知常袞在是年

于邵

舊書本傳字相

今爲京兆萬年人曾祖筠戶部尚書邵天寶末進士登科于邵與郭台公書云令公先府君刺史于涓家世出牧於岷山境相接數

年修好睦爲弟兄契以金石則令公之所聞見也初以專經進業
常假籍於渭之渚於時使君又特以禮送問以時務許以大名爲
之下榻牧之改業復歸以報命先人從而誨焉天寶中忝以進士
及第其年判入超絕科授校書又與常相公書云昔常陪相公鄉
里之舉時應神州甲乙之選其餘馳逸足揮勁翮修容義我來以
千進者蓋千百數在公堂預鹿鳴之宴猶不可得況會府薦選之
地者乎相公當時哀然居天下第一愚實不佞忝從斯列六子登
科又廁其數凡我連茹世論以榮皆因依相公用白粉黛嗚呼同
時之人零落向盡彭楊李賀冥冥何之今相公宰平
天下而鄙夫拘束邊外獨不得一親顏色更露腹心

拔萃科

于邵

舊書本傳登進士科書判
超絕授崇文館校書郎

知貢舉

禮部侍郎楊浚

冊府元龜天寶十四載三月給事中裴
士淹禮部侍郎楊浚太常少卿姚子彥

在河南河北江淮宣
慰是放榜畢奉使也

十五載

丙申

六月甲午上御勤政樓下制親征乙未出延秋門

通鑑

祿山陷京師

新書本紀

七月甲子上至普安郡詔以太子亨充天下兵馬元帥其有文武

奇才隱在山藪宜加辟命量命獎擢

通鑑冊府元龜

八月甲子肅宗卽位於靈武尊元宗爲上皇天帝大赦天下改元

至德詔曰其有直言極諫才堪牧宰文詞博達武藝絕倫孝弟力

田沈淪草澤委所在長官聞奏詣闕自陳者亦聽

冊府元龜通鑑

進士三十三人

文苑英華載皇甫冉東郊迎春詩當是此年試題

盧庚

狀元

郎士元

唐

子傳郎士元字君胄中山人

皇甫冉

唐才子傳皇甫冉字茂政

天寶十五載廬康榜進士

安定人

天寶十五載廬康

榜進士 高邈皇甫冉集序皇甫冉補關自擬桂禮閣遂爲高格

獨孤及故左補闕皇甫冉集序君十歲能屬文十五歲而老成

伯父秘書少監彬尤器之 令狐峒天寶末進士第見唐詩紀事

自是令聞休暢舉進士第 順宗寶錄峒國子祭酒德棻

元 關播舊書本傳字務元衛州 封演新書藝文志封演天寶

孫 汲人天寶末舉進士 末進士第 按演作闕

見錄云余初擢第太學諸 李徵李景亮人虎傳隴西李徵皇族

人共書余姓名於舊紀末 子家於號略弱冠從州府貢焉

天寶十五載春於尚書右丞楊元榜下登進士第後數年調補江

南尉後化爲虎與陳郡袁儉同登進士第 按楊元當從宣室志

作楊浚右丞 袁儉見 劉丹殷少野以上二人唐詩紀事皆

當作左丞 袁儉上 殷少野作天寶十六年楊浚舍

人下登第按天寶無十 六年六字誤附載此年

明經科 陸康前定錄劉邈之天寶中調授岐州陳倉尉從母弟

曰明年當成名歷官十餘政明年康明經及第按有 柳口演公

逆胡陷兩京元宗幸蜀之語康蓋於十五年及第 塔銘

大師俗姓柳法號明演累代家於相州湯陰縣
天寶季擢明經第資應中調補濮州臨濮尉

知貢舉

禮部侍郎楊浚

見唐語林

唐撫言天寶十二載禮部

左丞按自十二載至此歲四榜共放一百五十八人後除
有奪誤皇甫冉有上禮部楊侍郎詩郢匠掄材日輟輪必盡呈
敢言當一幹徒欲隸諸生末學慚郭魯深仁錄弟兄餘波知可挹
弱植更求榮績媿他年敗功期此日成方因舊桃李猶冀載飛鳴
道淺猶懷分時和但自驚關門驚暮節林壑廢春畊十里嵩峯近
千秋潁水清煙花迷戍谷墟落接陽城渺默思鄉夢遲迴知己情
勞歌終此曲
還是苦辛行

皇甫冉東郊迎春詩曰曉見蒼龍駕東郊春已迎綵雲天仗台元

象太階平佳氣山川秀和風政令行鉤陳霜騎肅御道雨師清律

向韶陽變人隨草木榮遙觀上林苑今日遇遷鶯

文苑英華

登科記考

卷九

南菁書院叢書

三